

奉新縣志卷六

秩官志

統轄主簿

知縣

縣丞

教諭

訓導

封爵

附

蔚宗東漢之書循吏兼詳守令對山武功之志官師並列

瑕瑜民社所關考鏡斯在奉新一邑析自海昏地當楚粵

之衝行李疲於供億利鮮魚鹽之沃磽瘠係乎土宜然而

俗恥紛爭罕速鼠牙之訟士矜名節不登肺石之庭撫字

雖曰心勞催科無妨政拙南唐而降改易今名代多賢宰

廖楊著績於前黃何繼美於後馨香俎豆祀事維昭姓字

棗黎遺徽宛在至於統轄之官或留棠黍之愛間為特載

不必俱詳體例所存繁略應爾又丞尉巡檢皆分吏職學

官博士實為儒師稅使主簿雖罷置不常而名氏具在茲
據各官之可考者首以統轄附以封爵武弁為秩官篇焉
統轄 官多不能具載但就有功德於斯邑者書之

三國吳

太史慈 字子義東萊黃邑人劉繇亡於豫章士眾數萬未
有所附孫策命慈往安撫之時劉表從子磐號勇
數為寇於艾西安諸縣策於是分海昏建昌左右六縣以
慈為建昌都尉併督諸將拒磐磐絕跡不復為寇孫權統
事以慈能制磐遂委以南方之事建安十一年卒官 舊
志按縣西二十里有磐山相傳為慈用兵處慈卒葬邑東
感古民懷其德即墓傍立廟祀之今猶存

唐

吳

兢 汴州浚儀人為洪州刺史表劉春虛之里以勵風
俗 舊志按黃志人物有應知項豫章書應知項

建城人隋末蕭銑林士宏亂豫章知項於華林屯兵置柵
保障一方武德五年歸唐以為靖州刺史靖州為今瑞州
府氏族大全謂知項九江人徙居靖州人物志南昌高安
兩載之白志從氏族載入高安歷稽各籍未有言其為奉
新人者舊志頗未考究但據豫章書稱其有保障之功其
明德自不可泯為附錄於唐名宦之後從變例也

宋

劉 珙 字共父崇安人端明殿學士知隆興府蠲稅務新
額及罷苗倉大斛屬邑奉新有復租稅窮民不能
輸相率逃去反失正稅并奏除之

張

杓 字定叟浚之子寧宗嗣位知隆興府兼江西安撫
使奉新舊有營田募民耕之畝賦米斗五升錢六
十其後議臣請鬻之始征兩稅和買且加折民重為困杓
悉奏蠲之 按舊志誤以杓知隆興在孝宗時今改正

明

吳一貫

字道夫廣東揭陽人廣東通志作海陽成化辛丑
進士初任知上高縣擢御史累陞大理少卿忤瑾

滿嵩明州同知遷江西副使時華林賊勢猖獗一貫督兵勦捕賞罰明信士皆用命俘斬甚衆因倡築奉靖二城爲禦寇計遷按察使行部至奉新以勞卒於軍民哀之立祠祀焉

周憲字時敏湖廣安陸人宏治進士官江西副使華林

奉新計擒賊首平瑪瑞寨進逼華林賊窘謀者詭言饑困

與子幹先登逼之賊下木石如雨憲中槍幹前救力戰墮

崖死憲被執死之事聞贈按察使諡節愍旌幹門曰孝烈

史紀事云正德七年四月憲移軍攻華林賊於仙女寨拔

之進克雞公嶺先後擒斬十餘人進薄華林五月憲信謀

者言賊衆饑疲遂檄兵進攻其二路失期不至憲獨深入

山谷峻險賊憑高發桶石如雨憲被執刀冲憲首血流滿

面左髀復中槍不能行大罵賊不絕口賊怒支解之紀事

及明史列傳俱無戰桐梓嶺事又紀事憲賜諡忠愍明史

作節愍未知孰是姑並誌之

李承勛字直卿湖廣嘉魚人宏治進士累擢知南昌府

明史正德六年贛州賊犯新淦靖安賊據越王嶺

瑪瑞崖華林賊陷瑞州承勛督民兵勦數有功華林賊殺

副使周憲憲軍大潰承勛單騎入憲營衆乃復集都御史

陳金卽檄承勛討之賊黨王奇聽撫搜得其衷刃縱使還

奇感泣誓以死報承勛令奇密入砦說降其黨爲內應而

-5 270 45 935" data-label="Text">

親率所部登山奇夜拔柵官軍奮而前降者自內出賊遂

-105 270 -55 935" data-label="Text">

潰已從金斬賊渠羅光權胡雪二華林賊平鎮守中人黎

-155 270 -105 935" data-label="Text">

安誣承勛擅易賊首王浩八獄詞坐下吏大理卿燕中卽

-205 270 -155 935" data-label="Text">

訊得白世宗時代胡世寧爲兵部尚書諡康惠

-255 270 -205 935" data-label="Text">

汪穎字秀夫湖廣江陵人任南昌府同知練達政體曉

-305 270 -255 935" data-label="Text">

正德間華林賊起穎練兵飭餉與士卒同甘苦及賊平穎

-355 270 -305 935" data-label="Text">

之功居多焉

-405 270 -355 935" data-label="Text">

胡時亨字慎三江南無錫人由進士爲南昌府推官崇禎

-455 270 -405 935" data-label="Text">

反巡按張鳳翮檄時亨監軍事乃定計殲渠魁散黨羽布

-505 270 -455 935" data-label="Text">

謀用間以撫爲勦不越月而平安民發賑清還子女收瘞

-555 270 -505 935" data-label="Text">

枯骨邑人爲立生祠祀焉舊志按常州府志時亨中崇

-605 270 -555 935" data-label="Text">

禎丁丑會魁後改名時忠字伯昭非二人也省志名宦傳

-655 270 -605 935" data-label="Text">

列時亨時忠爲兩傳誤又舊志遺時亨平賊事今採江南

-705 270 -655 935" data-label="Text">

通志載人

李嗣京 南直興化人崇禎進士任南昌府推官為奉新請
司李條陳感德碑記維揚李公以名進士來理吾郡其淵
源所自為天下第一名家與其藻采所流為天下第一文
人也寰海內盡知之至其經綸之才之見諸行事也則自
吾郡叻也公仁恩在八屬靡所不周慨而憐恤覺於吾邑
尤至豈獨私吾邑哉膏肓正痼國手驚心胥溺將臨長年
變色則吾邑之疲困所從來遠矣日者鴻號於野肘見於
堂獨虎而冠者中而飽澤涸妨稼而陶河方以為利陰叻
妨績而虫蚋顧以為時人盡無告豈僅鰥孤鄉民涂劉鄒
等慘痛切膚義憤刺骨算侵欠之如藪卽骨而吸脂終不足
不足滿從前之逋思竄源之弗除卽敲骨而吸脂終不足
果貪狼之腹於焉列諸奸之罪狀因而開十款之條陳乞
假寵靈鏤諸金石其中利病有他邑所同而奉新尤當飭
者如矮編飛灑追徵邪解之類是也有他邑所同而奉新
獨甚者如解新坐舊沿門收銀及不給油票之類是也有
奉新獨弊而併奉新前此亦未有者如馬戶僉報驍騎鄉
恩及堂役勒索管糧衙官之類是也至如三甲免徵京米
朦朧竟自開徵詔示竟東高閣昔人所云如霹靂但掛壁
今不幸偏有之弊也極矣控於按臺倪公傷心悚魄立命

李公酌而行之公又逐款登答雖間有駁裁要於隱情無
弗洞者揭諸國門如禹鼎之象物見之魅消如秦鏡之遇
形照而胆動恤我奉民豈惟小補亦又逾載公以漕務臨
縣重哀我邑疾苦思有以小息之方將請於兩臺承為奉
新改折京米而嚮者鄉民復恐曩舉之又為掛壁也時署
吾邑者為藩幕殷君慨然捐資勸醵以垂永久嗟乎庶人
不議議之所衷政之所辟已雖然議一也傳食者橫肉食
者鄙微藿食者誰適乎且吾邑受病之已深也身在苦中
者既如二豎之據於隱處問其所苦而不能自言而身在
堂上者又如秦越人之相視乎肥瘠漠然不為孰何也乃
惟鄉民言之公與倪公惻而聽之是可媿也亦可感也若
殷君此舉上宣上臺德意下適下民渴情亦不負此軒軒
一爽矣公諱嗣京號少文揚之興化人倪公諱元璐號鴻
寶浙之上虞人殷君諱 號 松之華亭人惟殷君
實使余言

國朝

李世昌 號奔侯三韓人任南昌瑞州分巡道 饒宇拭巡
憲李公講堂碑記甲寅滇南告變川湖閩廣所在

秩官 統轄

皇帝震怒 特命親王將軍及諸道兵進勦江西實楚粵門戶

而南瑞二郡屬邑如分寧靖安奉新新昌上高羣山糾結

連亘數百里諸賊鈎連蜂起不可搔爬時親王將軍方經

略楚粵摧滅巨寇賊得乘間猖獗肆毒山谷間總督大司

馬憂之議復設南巡道鎮撫焉適我三韓李公領郡南安

其經濟才且政聲久著特疏請補報可遂以二郡事屬公

公慷慨以滅賊自任紆親王大司馬西顧憂甫拜命首詢

地方利弊而興革之若不知有賊曰是治賊本也於是審

形勢圖方略募戰兵徵各屬互為聲援每有急公即領軍

親行至則慮無弗摧破者然公仁心為質務以德勝行部

所至惟以拯荒殘宥脇從為汲汲每教令一出父老讀之

感歎泣下以為公真活我以故民氣益厚賊氣益衰乙卯

諸賊將合攻奉新邑侯董君且戰且守飛檄告急公聞領

軍疾馳至賊知公來且退公與董君躡之至礫下山中是

日曉霧賊不意公猝至驚愕以為神公親冒矢石奮擊賊

倚山死拒公命偏師繞出山後賊首尾不救潰自寅迄申

斬數千級俘百餘人搗其穴乘勝開羅坊抵富溪賊胆破

竄匿深入無阻是役也公露處行間凡旬餘不避勞瘁軍

政嚴肅無敢輒取民絲粟者賊稍稍降自是不敢復肆公

聖天子

為天下任公而公之功在天下是天下之福也則斯舉

也豈新文獨私之亦以為天下祝哉既落成以勒石之詞

命予予不文烏足以鼓吹盛德請以新昌號侯三韓人

記誌新民意也馮水湯翼者屋丹獲其光曰誰是祠

詩曰岐山之陽馮水湯翼者屋丹獲其光曰誰是祠

是依我公既祠新民之樂公活我新允文允武全我父兄

歸我樂土憶我公來龍旂泝泝聲嘖嘖千萬其徒不驚

不畏日之中天消其陰噎戰於叢巖馳驟雷雨言申之令

秩官 統轄

言節之鼓言出之奇渠魁既虜遂搗其巢深入其阻復爾
 田廬嬉爾婦子既人其人與之更始於戲上帝暨我
 皇后選建羣賢溥天仁覆賜我公來摧此巨寇寇之既平又恤
 我後我公之功
 天子是懋出為方虎入為周名我公之德新民所飽登斯堂宇
 小人懷恩君子服教維新之民承承繼繼俎豆常新逮千
 萬禩以報我公水之長流山之永峙

知縣

唐縣令按舊志縣令劉正一以前無考今查通志崔祐甫洪州都督張休遺愛頌有鄔賁一名應補入

鄔賁肅宗上元間為新吳令劉正一長慶三年為新吳令築縣土城

宋縣令

梁見素至道元年任徐用和二年任始創學宮以教士累擢太子中允

許南史咸平二年任陞大理寺丞樊揆景德元年任

趙嵩三年任沈昂大中祥符元年任陞太常博士

沈同六年任浙江錢塘人進士黃禹昌八年任

柴徵規天禧元年任戴玘五年任字亦玉號龍菴進士

王居白天聖元年任陞大理寺丞張惟周四年任

查延之 五年任

王言 八年任

張陶 明道元年任字聖休浙西餘杭人陞本州通判轉殿中丞

馬遵 三年任樂平人進士陞兵部員外郎

戴宏 景祐元年任

蔡充 康定元年以著作佐郎任南城人進士有

王鞏 寶元元年以大理寺丞任

陳莊 慶曆元年任

惠政以平恕不擾聞

王真長 四年任

鄒巖 三年任改秘書丞

胡少連 四年任

張序 皇祐元年任陞太子中允大理寺丞

藍圭 嘉祐元年任

林喬 至和元年任

張頡 五年任陞提點刑獄字仲舉淮南桃源人王安石送張頡仲舉知奉新詩云故人為邑士多稱錄賦寬餘訟獄平老吏閉門無重楮荒山開隴有新梗方揮玉座日邊坐又結銅章天外行此去料君歸不久挾才如此

即名卿李壁半山詩注云金陵人位至從官傳稱其成至以嚴治深文狡獪亦天性云

丁餗 七年任陞著作郎

呂開 四年任

吳天常 熙寧二年任

梁立賢 元豐元年任

歐陽竦 八年任轉殿中丞

臧渾 七年任

李平 四年任字至中左宣德郎

廖擇 元祐二年任字從善衡陽人有惠政縣治西有溪每水漲民病涉擇捐俸為石橋以濟民甚便之名曰通化橋及秩滿當去爭挽留不可得乃留其少子家焉祀名宦

徐銳 八年任

林棐 紹聖二年任宣議郎

章潛 四年任

高潛 崇寧元年任

吳均明 三年任轉朝散郎

黃洵美 大觀元年任授奉議郎

黃峻 政和元年任

上官允若 五年任捐俸創縣譙樓

向漢 宣和元年任與尉同名

盧察 四年任

李永 六年任

程滂 建炎四年任

吳荀 紹興元年任舊府志作常

姚佶 四年任

翁起予 六年任

王恭 七年任

劉振 十二年任

敖士從 十六年任

黃壽 十六年任陞知饒州

蔡寧 十八年任

宋彥倫 十九年任

臧楷 二十三年任奉議郎

陳寅 二十六年任一作乾道間任

吳希述 二十九年任

楊振文 三十二年任廬陵人右承議郎主管勸農營田公事按葆光廟記振文三十一年三月任

余祐之 乾道元年任

陳光祖 乾道中任右朝奉郎

楊萬里 六年任字挺秀號誠齋吉水人紹興進士知縣事賦不擾而自足縣以大治祀名宦庚寅之旱奉新為甚

大帥龔公擇行田之官婺女帥屬何季華以府檄來不憚其疑竟以實聞縣令楊萬里哦五字以餞其行詩曰眾裏

非無事閒中却幾人如何新帥澤偏作此邦春未要棲鸞恨方看報主身青燈一樽酒聊復話酸辛按此條舊志

引作成化志當是成化志引宋人語或係誠齋詩序俟考

沈雲舉 九年任字鳳翽有善政置沃壤以養士蠲圭稅以之立祠以祀仍祀名宦

葉次參 淳熙二年任

王正邦 四年任字榮甫明州人善詩尚氣節不苟取與為喪援孤苦皆盡誠為之祀名宦按王正邦舊志無傳庚

午志探通志載入

高南壽 七年任字景仁號如山福清人大旱禱於城隍有

賑廩勸糶荒政具舉時朱子守南康告糶於奉新南壽曰

吾方披髮纓冠以救同室之鬪何暇恤鄉鄰乎謝弗與朱

初以過糶怒之既而曰使吾屬皆如高令尹吾何憂民賴

以全活者甚眾為之立祠祀名宦 朱子大全集與江西

張帥劄子累具懇稟告糶米船已蒙公移回報開許但奉

新令尉乃收公然違戾百端攔遏欲望台慈將本縣官吏

重作行遣 按此即怒其過糶時語 陸游寄奉新高令

詩小兩催寒著客袍草行露宿敢辭勞歲饑民食槽糠窄

吏情官倉鼠雀豪只要閭閻寬釜楚不須亭障肅弓刀九

重屢下叮嚀詔此責吾曹未易逃

御選詩 醉評此真良二千石矣察吏恤災安民弭盜奉公任職入

句中色色俱到却一氣渾成不冗不腐風雅遺軌何可多

得鶴林玉露載王十朋真德秀二詩命意雖同而氣格相

去遠矣

劉仲光 九年任奉議郎 陳傅良送劉茂實宰奉新詩遠

江湖吏道僻歲月民勞久救之敝精神自愛終袖手要中

名甚美用意物所咎君觀蘭桂林餘茂及薪樗移根托客

光

土顏色非故有贈言幾滿車一字堪皓首於焉但裁擇對

越二三友諸賢在當路公論在眾口 按茂實言是劉仲

鍾將之 奉議郎十六年任揚萬里贈鍾將之詩傳語清心

吟處今來跡已塵應憐楊令尹鬚鬢白如銀 新舊日行

李兼 紹興五年任 舊府志闕

張瑄 慶元中任字子律真寧人為民減營田之賦上之

幡率眾以留之曰甘民病弗失賢宰今雖不得請後有賢

帥與宰意合必得之矣未幾龍圖張杓來帥豫章瑄又請

得之民相賀曰微張君不能爭吾民難爭之賦政聲田是

大著祀名宦

葉筍 宣教郎嘉泰四年 陳堯仁 開禧三

張國均 嘉定三年任字維之南城人創建譙樓及華豐樓

奉新縣志 卷六 秩官 知縣

江張國均撰

周璘 九年任

李挺芳 奉議郎 紹定五年任

趙拂夫 淳祐六年任 宣

趙希普 通直郎 淳祐中任

葉揆 通直郎 寶祐三年任

陳晟 奉議郎 景定元年任

虞從龍 通直郎 咸淳元年任

李予軾 宣教郎 淳祐三年任

蔡德茂 十年任

元達 魯噶齊

昔刺不花 至元十二年任 轉敦武校尉

火失納 二十年任 將仕郎 轉本路通判

阿刺威 二十七年任 轉進義副尉

小雪者 三十年任 轉進義校尉

明安圖 至正十四年任 是年春紅巾賊史魯清陷奉新安 圖死之

縣尹

謝季玉 將仕郎 至元十二年任

辛午震 將仕郎 十四年任

李有成 敦武校尉 十六年任

楊珪 將仕郎 十七年任

張治民 進義校尉 至元二十四年任

張吉 二十九年任 修縣治興學校

李仲元 至元中由主簿陞

鄧祚 大德八年任 湖廣寧鄉人 元初縣尹例授職田 祚秩滿因留 邑城家焉 悉以代償 百姓之逋者 絲毫 不以入 已民稱 誦之

王良臣 大德中任

謝磐 至治元年任

丁靖 至治中任

明知縣

張伯高 吳元年任

王溥

洪武中任字文博

方淵

洪武中任字希顏修學宮有功

余思濟

洪武三年任南直貴池人陞知州

羅應鑾

五年任

張時敏

六年任廣東龍門人陞同知

周方

七年任字仲規陝西人

薛忠

八年任

濮昇

洪武中任

黃壽

十一年任河南光州人由孝弟力田

屠士宏

十五年任浙江上虞人監生

余孟良

十七年任

俞孝志

洪武中任俞一作余

范用禮

二十年任

石九疇

二十四年任浙江象山人由儒士

周景禮

洪武中任

費思名

洪武中任

陳觀

二十八年任南直丹徒人

龔隆

建文二年任浙江衢州府人進士舊府志作龍隆

何昭善

四年任字憲章浙江淳安人

楊丹珉

永樂元年任字得玉福建尤溪人

趙理 十一年任南直江都人時兵燹初定簡編殘軼理廣諮文獻編輯邑乘尤雅意作人有振興文教之功

王錫 十七年任福建長樂人進士

楊紫 永樂中任

陳顯 二十二年任湖廣長沙人監生

胡俊 宣德四年任南直六安人監生

璩鎮海 十年任浙江常山人涖政廉勤鋤強植弱歲饑賑濟有方縣學田畝科米一石七升租重民困奏蠲

十之二民咸德之祀名宦 按舊志學校志璩鎮海修大成殿在九年

王在明 宣德中任浙江象山人舉人一作監生 按浙江志選舉無此人應作監生

陳純 正統中任字希文浙江錢塘人有惠政吏部以聞特賜楮幣樽酒

袁彰 正統六年在浙江鄞縣人監生

劉讓 景泰中任山西應州人監生

田濟 景泰中任字汝霖陝西麟遊人景泰進士以德化民政平訟理擢御史終大名府知府配名宦

謝峻 天順六年任字世華浙江臨海人以經明行修舉擢知縣清慎公恕練達政事值歲被賑卹備至民

賴以全活者甚衆累官至九江府知府祀名宦

楊勳 成化六年任南直宜興人舉人祀名宦舊志不載事實

岑方 十一年任字尚義廣西太平人縣治前譙樓歲久傾圮方捐俸構造易以石臺重屋高三丈有奇遂

爲一邑巨觀及去任貧不能治行李妻笑謂曰何不將此樓去耶聞者以爲美談

黎經 十五年任字允正廣西陽朔人進士

鄧誠 二十一年任湖廣零陵人調學正

孔宏 宏治二年任福建南漳人革弊政申律令有古循吏風

吳景 九年任字伯陽南直南陵人由進士任智慮周悉刑罰平恕崇正黜邪鋤強扶弱風聲節操震動一時

時記名宦 按明史忠義傳吳景正德中歷官四川僉事時重慶賊曹弼糾眾寇川南御史俞繼道去屬景及都指

揮麗鳳禦之鳳邀景俱走景不可率典史張俊迎擊手殺三賊矢被面急入城城陷大呼曰可殺我無殺士民賊強

之跪不屈遂被殺後亦死

王嶽 十一年任字希甫南直靈璧人由進士授御史謫

弊汰革殆盡至於賑恤貧寡作興士類極為加意輿論翕然稱之記名宦

徐南 十四年任字明仲南直上海人進士

王誥 十七年任字天章浙江奉化人進士

王翊 十八年任南直潁上人舉人

唐俊 正德三年任湖廣零陵人舉人

何淳 四年任字宗原廣東順德人由進士任為政寬猛得宜境內大治考最擢南部主事去日士庶有挽

留無計懷仰無窮之謠記名宦

徐元稔 六年任字元嘉福建莆田人進士累陞郎中

鄒緄 七年任湖廣巴陵人監生

侯盛 八年任陝西延安人舉人

劉守緒 十二年任字克承湖廣興國州人正德進士嚴明

然已卯之變起兵赴義以都御史王守仁檄出間道夜襲宸濠伏兵於新舊墳廩破之遂復省城論功懋陞太僕寺

卿記名宦 舊志按王守仁江西捷音疏有奉新縣典史符誠與守緒領兵從間道襲新舊墳廩又平安義叛黨疏

檄誠領兵破安義賊楊正賢等動中機宜地方賴以安益誠浙江餘姚人舊志無今附錄於此又守緒舊云字克承

今從通志改正

梁幹 十五年任南直武進人舉人

朱雲鳳 嘉靖元年任字瑞卿號雲峯浙江烏程人進士明敏有才略時兵荒甫定簿書旁午雲鳳處之裕如清風通修廢典撫綏備至一邑晏然嘗編纂邑乘繁簡得宜論者以為信史祀名宦

周世雍 四年任字虞承廣東順德人進士累陞副使

陳仲錄 七年任字子載湖廣武陵人由進士任甫下車禁澁任四年民俗和惠及秩滿去送者幾千人靡不墜淚祀名宦

來汝賢 十一年任字子禹浙江蕭山人鄉會俱第二嘗從學於王陽明湛甘泉兩先生之門故其措施悉有條理澁邑僅八月卒士民咸悼惜之

胡億 十三年任號一庵廣西桂林人舉人陞知州

吳文煥 二十二年任字開卿號見吾福建莆田人舉人

李可賢 二十五年任福建福清人舉人

潘相 二十九年任南直丹徒人舉人

楊廷珪 三十六年任湖廣醴陵人歲貢

葉希謨 三十八年任廣東海陽人舉人 舊府志作廷謨

張廷軌 四十年任南直青陽人歲貢

陳芹 四十二年任羽林前衛人舉人

趙應元 四十四年任字鴻漸浙江仁和人進士

金應徵 四十五年任字懋德南直長洲人由進士任愛士山無城應徵捐貲築之後土寇竊發邑賴以全尋擢去累官至嶺北道副使猶抗議請發南豐縣羨銀九百兩佐奉

新修覽城之費士民為立碑志不忘焉祀名宦况國奇
 綠野金侯去思碑記思者心之感而生者感生於德德以
 去思則在上者匪期而在下者匪私誠子之於父母無所
 解于其心者也嘉靖丙寅歲綠野金侯令吾邑甫三年政
 成民悅無何以內擢去民之感德而思者咸遮道滿車下
 侯亦命其車行行且止若有不忍去者噫是可以見上下
 相孚之心矣留不獲父老子弟輩復相率請於少尹胥君
 四尹林君建碑垂去思懇奇記侯績於不朽奇歎曰茲舉
 前未有也吾邑自明溪陳侯有去思口碑民到於今稱之
 幾四十年而繼思於我侯豈直道之在民心者乃曠世而
 一見乎信得民之難也惟侯之德有以踵芳躅而繫民思
 故民有思其節儉者曰吾往時輸役例費數百金而科歛
 倍之侯悉禁止一無所取即供億饋遺之費裁省凡若干
 而公禮不可革者輒捐俸以給催徵勾攝視緩急次第施
 之此其清可記也民有思其明允者曰吾往時見耳屬於
 垣蠹積於案訟斃於獄者屢矣侯自堂以下左右胥隸之
 屬易事難說無偏聽無獨任弄法者有常刑尤搜弊剔蠹
 平及疑獄得不死者十數而固圜空虛此其慎可記也民
 有思其慈愛者曰吾往時綺羅之豪日浚其膏蓬藿之虫
 日消其肉者多矣侯自堂以外里閭肥瘠之民一視同仁

役無偏累刑無濫究憂旱而以身禱歲凶而曰予率凡不
 便於民者遂弗施修義塚以澤枯骨而未聞侯之民納其
 中軫恤幽隱靡所不至雖被命猶賑荒省慰疊疊不倦此
 其勤可記也余明農野外未謁公面竊以得咏召杜為幸
 諸庠彥又誦侯之德無間言蓋不惟得民且得士矣噫士
 民一心由侯以心感也洎任初亦既矢心於神矣勿取一
 毫非已之財勿戕一民無辜之命信斯言也今所記述者
 皆稱是則侯勵終如始之心神且信之而况於人乎夫思
 慕在下而感字在上得其心則思而記焉後其有風與
 雖然甘棠不碑而民詠者思出於無思也上無思名下無
 思諛而思始誠矣侯樹德吾邑黯然不求於人而棠蔭奔
 奔民固有永思不忍忘者是碑也士民緣以代詠甘棠豈
 諛也哉侯姓金諱應徵字懋德蘇州長洲人登乙丑進士
 綠野其別號也行將佐明廷而勳銘彝鼎繫天下後世思
 余姑記其去思於新吳者按江南通志應徵由奉新知
 縣歷陞贛南兵備道終雲南參政以廉能稱子士衡明史
 有傳

李 啟 隆慶四年任湖廣湘陰人舉人陞知州

陳雋 舊表云五年任學校志陳雋請修文廟在二年字以奇福建長樂人舉人累陞戶部員外郎祀名宦

王榮 萬歷五年任浙江鄞縣人舉人

朱南英 七年任字子醇號雲崢浙江山陰人萬歷丁丑進士修甌城清地畝績邑乘於奉新大有功焉累官至參政祀名宦

蔡國珍度田繕城碑記朱令君令奉新之三年庚辰政思與斯民計久遠適奉履畝均賦及城邑之令乃卽次第力舉而行之皆大有造於吾邑云奉新土故疎瘠賦且煩往鬻產者率利厚值而薄其稅奸富遇損造又賄胥吏而浮寄之攤賠滋害令君方釐正之未已乃履畝令行人咸謂因地制畝賦因之成均亦不易為三壤而一則焉斯良矣然慮弊生於則壞壞則矣卽舉則而兩之恐則上下者偏於上則中下者偏於下則又有不均之嘆焉令君察乎此擇人而任嚴掣丈而討其不法者丈成雖分上下鄉為兩則而能參酌其宜斯哀益得中而民不病於偏累矣此度田之當紀者也邑故無城雖海經寇亂累土庫薄民無可守雖間議陶鑿輒以無資而寢頓年山寇蠶發令君軫念倉府獄市遂力請而城之并請得貯江隱畝緩若干令君卽差日鳩工相地為植悉以所請緩量

編戶糧丁而均委之畫地分工而力董其成凡數閱月而就蓋不勞而功大不費而惠廣勿亟而事速成殆為甓城者稱首而功莫上矣此繕城之當紀者也二役成宜勒石以紀成事值令君以擢行鄉諸父老乃造余曰所貴於縣大夫者先成民而貽之以永圖而鄉大夫則在念功稱羨有以垂不朽朱令君所以成民者其永有利乎則不朽之事公為政矣余惟民之大事唯養與衛養非衛莫安衛非養莫守二者不可缺一者也顧事大且艱彼規避而不力者無論矣卽力行之而或不勝其煩且擾抑亦滋弊如蠅且以修紀遺後之人不少藉台行而善矣求其不動聲以色民悅而事集者尤不可易得也令君兼舉之而衆善具焉此不世之利而語所稱有治人者此矣其他政皆稱是以是而垂不朽也固宜余往俞諸父老請未及為會余有環召方事歎且與令君居宦事懼不知者謂予為市交不果為今余得諸父老修前言故不辭為之碑令君名南英丁丑進士浙東山陰人

余夢鯉 萬歷十二年任字有徵福建福清人進士調新建縣乾隆志誤作余據康熙志改正

支大綸 十三年任字心易浙江嘉善人萬歷甲戌進士觀政刑部教授南昌復學宮侵地擢泉州推官丁外

艱歸出補江西布政副理問攝奉新時江右積逋尙方之
供而奉新爲最公首繩其尤廖富九暗令大綸鄉人介當
路者爲地語侵大綸而奉新人詣兩臺願得大綸真爲合
兩臺以聞報可務崇寬大旌禮賢士爲民望裁儼率太侈
者烏山巡檢捕盜不及格將妄入人大綸禁不許熊某盜
魁也根株難拔大綸曰熊十二富有子讀書此非所爲熊
信之攜二子謁大綸盡出諸盜案示之語塞綸諸獄其黨
烏獸散矣邑上下鄉有南北二區履畝法行失其故爲以
三折一之法而兩鄉安所上爰書以良史才行老吏法拾
遺落職歸里卒於萬曆甲辰年七十一祀名宦

沈天啟 十四年任字生予南直上元人進士調晉江縣

金光初 十六年任南直長洲人舉人

王之屏 十六年任陝西西安人歲貢

馮 燧 二十二年任字居方浙江慈谿人由進士任甫下
車令民自陳利弊燧皆次第行之在職六年建橋
梁疏水利置常平清欺隱減供億除火耗民戴之如慈父
至興學校廣士額尤有作人之雅以遷去民立祠於馮川

祀之仍祀名宦 余良楨馮侯去思碑記邑侯景貞翁以
癸巳秋製錦茲土先時余守杭與試事侯以乙酉解兩浙
及蔡太宰遷浙藩浙人士咸藉藉以公輔奇侯太宰嘗馳
慕曰得斯人而宰吾邑慈君信父未足奇也比王辰成進
士適太宰以少宰總銓政時吾邑當報缺遂借寇焉今戊
戌冬朝廷撫髀而拜樞臣侯亦繼拜邑中士大夫暨胡生
士秀士奇徐生時中陳生九思廖生邦光輩知萬難以私
奪也遂各述所思屬余文以誌不朽余比年日理岐黃之
不給何能爲茂陵善幸侯之成功文章原自夔越敢爲敦
令史之役昔臯陶有邁種德而黎民懷之名伯稅甘棠而
南人勿剪是懷生於思而勿斲尤思之懇痛處然究其所
思皆上之人焦思於前者故孫令之徇實由三惠所由來
矣侯自下車時恐人情幽伏先三示以廉其隱淡旬始斂
而後輕重布之侯謂邑有四民化由士起迺出庭授文師
名理首揭率性宗旨以詔來學間發篋出梓廣射鵰之技
以印之更置學田以需供餉增員額以廣登進起兩制而
上公車者三益蠶士者百他日出而大有樹立秋毫皆鼓
鑄力也是侯作人之政周至有如此者邑素罹苦旱侯輒
搃誠步禱力請當道寬以折色平糶施賑民賴全活邇來
溝洫淤塞者夥侯遍閱志乘披覽盡捐粟以疏淪之食其

利者無下數萬畝又創常平書社等倉積粟四千餘石即
 山陬下里亦徧置義倉積近數千脫有大裨當不為害是
 侯救荒之政詳密有如此者邑人錢糧舊多飛詭民苦虛
 照侯迺創立歸戶手冊縱風號狡黠者不得以肆挪移京
 兌收解舊多貨緣民苦偏累侯集眾戶以糧數多寡為差
 即權貴豪右略無假借糧差徵解舊多輕重其手民苦耗
 羨侯痛釐前蠹毫不染指甚至轉解額費悉捐公費助之
 計六年內所省民問公帑預置年餼蓋種種備具即使
 舊多取之富民侯出公帑預置年餼蓋種種備具即使
 容旁午民無呼擾是侯剔蠹之政精嚴有如此者又且新
 聖廟平水堞闢莊廡樹岑樓於學之巽帶長虹聳高閣於
 邑之巽金城納秀玉階巖奇有補於蛾眉之識不少者神
 棲不定夜臺不掩必以無所歸而為厲故諸神有祀祀
 體有蓋藏為鬼神也亦所以為民如衣龍以松護城以柳
 此百年之利也善後事宜鑄諸應門無窮之利也至六年
 之間無日不討善政而非其所思之績也侯之思也否則曩者
 川草木罔不化何者實思侯之所思也侯之思也否則曩者
 思不去也我非思侯也實思侯之所思也侯之思也否則曩者
 之泉侯以叩首反思其風春衙之植侯以惠政開其異天與
 物且可以思動也而矧吾民說者曰侯所建立各有筭額

茲記毋乃贊歎不知侯之誌侯之所以思民余之記民政
 所以思侯即謂是記也為邁種之頌可為去後之棠亦可
 邑人士方且尸祝之中心藏之何日忘之我人有焉語曰有
 心我侯有焉詩曰中心藏之何日忘之我人有焉語曰有
 文事者必有武備我侯兼焉三書合載筆役差可有辭而
 太宰之銓舉亦至哲矣侯姓馮諱凝號景貞貞白先生仲
 嗣浙慈谿之世家也王倬然百丈峭餉允條碑記縣西
 之有百丈寺劫自唐朝以迄當代清規奉旨頒行承為繩
 僧法律則百丈寺以清規重也然寺倚僧為存僧藉租為
 贍原有遺租七百畝著輸官糧八石後以丈量裁多僧遂
 散而寺廢焉及至馮侯清查邑中有舊隱新墾之田令其
 陞科以抵補寺之荒田又選寺之髮僧頂充百丈哨精兵
 二名卽將兵餉對支本寺條銀一十七兩八錢申詳院司
 道府承為定額官免追徵之煩僧免比較之苦得以供佛
 祝聖祈壽嗣恩此忠君愛國之兼至而良法美意之悉到
 者續署不一寺兵之餉未照對支僧遂通糧逃亡者多公
 私共受累矣余自蒞茲土畝畝之利病悉心興除及目擊
 寺山之聳拔租田之硯荒僧眾之貧通惻然軫念思為調
 停之術有僧名佛慈者且以詞懇困邑佐謂照額對支之
 為便予行之而僧咸慶甦息也因溯慕馮侯之德意洵為

名山之覆幬矣鑄石一以置之儀門庶後之相仍而不易
 一以鎮之本寺合僧之思蔭於甘棠誠欲師表之常存且
 廣忠愛之無已云爾馮挺登山踏荒詩名山百丈最知
 名慷慨登臨百惑生唐帝瑤圖歸劫燼禪僧寶塔尙傳燈
 三旋竹嶺巴猿淚九曲蘭亭蔓草橫惆悵汙萊餘斷碣木
 人塚畔一泓清

李元調表云萬歷二十七年任建置元調建兌倉在二十
 江協濟民困以蘇祀名宦蔡國珍免役紀德碑記夫七
 子均養鳴鳩之仁也詩人咏之而極其效于正四國者豈
 無謂哉蓋民之待仁於上也方其均受德施則亦均感之
 矣謂之至仁無思可也唯其中一涉於偏而不舉乃有能
 調劑以救其偏則如枯旱之得雨萬物莫不欣欣然若自
 私矣故夫方春而雨無往不被無物不生咸相忘於膏澤
 而不知及五六月之間早苗槁不得雨則斃矣時而雨焉
 則枯者潤仆者起孰不加額頌大造之能生我也哉是因
 不均而益見均之仁也已則均之所以能正四國也敝邑
 故僻不通道華林亂以往過客率自高安直詣南浦而建
 昌以達九江時以敝邑僻而簡故括夫直以爲九江助亦
 均道也亂後乃以敝邑及建昌開地曠官吏稀盜賊肆行

無忌因置邑安義以是使容道高安者遂由敝邑而安義
 而建昌往以行道未通無役而助人役可也今役均重矣
 將求助於人不暇安能爲人助耶先是民未甚困猶可驅
 沒以應今困益欲矣乃欲枵腹而濟人饑必不能也故欲
 自鳴其不平者日嗷嗷焉會舊令景貞馮公劬雲李公及
 大中丞廣德夏公直指桐城方公方伯莆田吳公大參鄞
 縣王公大府山陰陳公咸惟民隱而欲其並生邑民某等
 以情歸縣縣報府道上聞兩臺並惻然賜允旣不忍偏役
 敝邑又不可使九江失助乃竭心共計其宜遂以各驛歲
 所贏羨者轉助九江而脫敝邑數十年偏重倒懸之苦此
 不旁擾而累以除彼不末減而助如故語抹偏之善莫尙
 於此矣一時當道諸公其大旱之雨乎其鳴鳩均施之仁
 乎誠斯民千載一遇也已抑聞之陳曲逆曰使平得幸天
 下亦如是肉亦言其均可治天下也今諸當道能去其徭
 重於敝邑者若此是均齊之道得他日均齊天下而使之
 平特舉而措之耳行且鼎彝是勒而敝邑其魄兆焉無以
 紀之可乎邑民懼久而不見德故請余紀其顛末鐫之貞
 石以識不忘云時萬歷二十九年九月十四日也又二十
 二年四月嘉其成而樹石者爲攝篆別駕敬元邵公邑丞
 陳君主簿馬君典史仇君並得書

陳鎮

三十年任字少粵廣東莞人進士

邢祚昌

三十二年任字新甫號鼎如廣東文昌人進士

丁周

三十五年任字成甫號梅汀浙江德清人壬午舉人

張司重

三十八年任字恂吾南直高淳人舉人

張僕

四十五年任號履所山東壽光人進士

劉濱

四十六年任號渤海北直南皮人選貢

袁化

四十八年任字守冲四川華陽人舉人

薛紹魯

天啟三年任貴州貴陽人舉人

梁士濟

六年任字遂良廣東南海人才識明敏謫伏如神

濟至立發其奸諸猾震服校士尙經術得人稱盛調清江縣尋擢監察御史

王倬然

崇禎元年任字漢章浙江鄞縣人舉人

陳汝益

四年任字念初浙江永嘉人舉人調溧水縣

程紹儒

七年任字魯一江南儀徵人舉人調寧都縣

李允佐

九年任號石鏡福建福清人廉靜和惠民戴之如

上官為民請蠲租賦施粥勸荒政具舉時流賊充斥允

佐峻城堞增樓櫓併請復舊哨添新伍以固城衛旋以計

典調去民咸惜之為立祠以祀仍祀名宦帥眾石鏡李

侯去思碑記洪都轄州邑入有東西壤之分西邑土磽多

石田而奉邑賦役繁重苴苻竊發尤號難治矧與監司隔

絕司牧者即勞瘁有善政上官動以法相繩輒多下考剖

竹之日甲榜諸君避之如荆棘畏途數十年來棠澤之鮮

言調邑中大夫士庶盡失其乳哺而淒然於百六之厄也
 向予而前曰天高日遠誰白侯宛袞衣章甫豈忘侯澤吾
 儕沐侯澤而不歌之咏之勒之祝之是我邑世世無循良而殄
 舊令潤於口碑新令罔所取法是我邑世世無循良而殄
 資澤於下民也掄揚康侯非公而誰余曰唯唯予敢一人
 私譽惟輿誦是聽大夫士庶翕然稱曰久矣我邑之積逋
 前令委撥去并責於侯況當加餉索賦之日催檄無月不
 下侯急征徭徭焦心神上為國下為民代補前人之逋數不
 知幾百千起解每年之派額不知幾百千共徵十三萬有
 奇數年而清數十年之糧者孰如侯我邑降虐馮夷旱魃
 連年叠臻侯逢此災為民續命步禱不已因請蠲散粟
 不已因而舍粥勸糶不已因而禁掠此其上監門之圖行
 青州之賑而民免於逃亡數年而活數千萬之生靈者孰
 如侯我邑城垣卑而久頽昏闕雖閉宵人直跨而出入守
 險之兵又為他邑借調適值歲凶蒿林潢池之徒抄鄉掠
 市劫質舍如探囊侯引為守士之咎乃殫其經營峻堞廣
 垣築窩嚴柝屹然有金湯之勢遂膺紀錄之寵命又為之
 計捍衛力請於上臺復舊哨添新伍凡繕城養兵之需皆
 一心設處以固吾圉我邑之民用是安堵數年而奠數百
 年之業者孰如侯他如課雋於泮水拔尤於棘闕則歐蘇

之鑿裁也肅堂規而弊釐杜私謁而奸寢則朱龔之神明
 也捐煩苛以裕俗省微訟以和民則卓魯之豈弟也侯僅
 飲馮川勺水不憚宵吁閔皇造我新吳利賴無窮相與家
 尸戶祝其誰曰不然豈以其無赫赫之名能奪吾悠悠之
 思也哉余聞而慨然曰侯德澤如是攷績者置拙政之列
 侯特寡迎合耳勞臣綱紀良吏慈和惟侯兼之此而訾才
 甚矣其誣侯也雖然齊威一中主能辨即墨之讒況今聖
 天子在御公道畢彰行將悉侯治狀不次簡擢異日為廟
 廊舟楫為垓塹霖雨四海蒼生莫不瞻仰休美豈惟吾邑
 歌之咏之勒之祝之而已也諸大夫士庶感而作喜若忻
 忻焉捐貲鑄珉以矢弗諼云

沈君楨 十二年任字枚臣浙江平湖人才幹通敏吏治卓
 然有聲

馮挺衡 十七年任字鼎臣廣東番禺人舉人

儲志密 十七年任湖廣武昌衛人

國朝

孫士安 順治三年任號印初山西壽安人貢生

胡以溫 六年任字德容號東甌山西萬全衛人戊子之變士民駭避以溫保土全衆功甚偉焉尤好論文賦詩推獎士類作人之化至今尤稱道不衰

王家楨 八年任字挺生號孟山江南山陽人進士

萬物育 十一年任字位生號戩水江南高郵人進士

王啟源 十五年任號裕庵江南金壇人貢生

黃虞再 十七年任字字九號泰升陝西伏羌人順治乙未進士當國初荒殘之餘冊籍散軼賦通彙彙吏胥因緣為姦莫可勾稽虞再初准任廉知其弊詳請清丈

胥因緣為姦莫可勾稽虞再初准任廉知其弊詳請清丈民田事既行躬自履畝勘對積弊為之頓清設法均給里立團練諸政具舉其初民頗難之及施行稍久乃食其德執法嚴峻豪民猾吏素橫鄉里者聞風皆斂跡尤善形家言創建官署學宮及他亭館咸有關形勢以俸滿內擢後官江西督學僉事祀名宦

何嘉祐 康熙四年任字子受浙江山陰人慈和廉慎與民自限使十甲遞為催首無追呼之擾而民賦足又捐俸修

馮川橋斃石高丈餘橫架大杉椽以朱檻稱巨觀焉在職五年內擢部曹民懷其德即所嘗憩地構書院肖像以祀毛奇齡西河文集何大夫事大夫治奉新不取贖緩每歲終移他所贏錢解之曰暮遺且不可况晝劫乎予嘗過

奉新見其每里各有倉詢之曰縣漕輸省者舊例設一倉縣城俟報滿統解省而縣所轄十二鄉在萬山中近省而遠縣解省逸而解縣勞且解縣則耗羨生焉大夫令每里

置倉并選里中之者老有望者專董之比收竣趣徑解省民大便至今猶稱之曰何公倉云 按奉新十二鄉在萬山中者未嘗近省近省者不在萬山中西河言殊失實嚮

之不由縣至省者解省逸而解縣勞此語得之非以無耗羨之故若云解縣則耗羨生焉何以解省便無耗羨乎每

里有倉乃奉新舊制王家楨改之後十二年黃公復之而何公繼之謂始於何公亦誤 李明睿邑侯何公去思碑記古之君子之服官也聽政必於其堂所以憂民之憂游觀必於其地所以樂民之樂故子惠之性油然而生風流儒素之度亦復不失自漢而下大抵皆然予嘗論之天

下之吏內而近者唯侍從之臣日得與君相親外而近者
 唯芻牧之臣日得與民相親唯其近且親故其上所以引刺
 難知下不苦於難達漢之所以慎選守令唐之所以共且得以
 史入直者亦謂令與民最親民憂民樂俱可以共且得以
 下之情入告我后使不壅於上聞耳新吳山水甲西封民
 安稻鄉士休藝圃望邑也然賦浮於他屬近者無復緩帶
 咽備之風矣何侯世家子也其言妙天下寓內無不知名
 治奉五年而奉大治奉之士民樂得有侯無不德侯者政
 成之後因侯嘗憩茨之地後建遠寄之樓中構化雨之堂
 戟門以前墜石坊題石楣之額曰何先生書院諸子走檄
 江城徵予一言紀侯功德鑄於石版亦襄民思覲之意予
 與何侯世誼通好勿敢辭序之曰樂矣何侯能與民同也
 方其慘淡經始之日其憂不更大乎歲額取盈民生日置
 侯日泄於堂亦莫可如何矣乃革耗羨行獎媿聽自限使
 十遞之排各應期會當年不苦獨累逋者無所容其匿緩
 之而愈得侯之心苦矣石田不墾流雁哀嗷侯又惻然招
 撫多方牛種官給稍稍得集焉後他邑有勘荒之累奉獨
 晏如侯之心苦矣聽斷日煩爰書日益侯又哀矜之不暇
 矣可失出毋失入五年之內網疎文潤鬼薪城旦者不一
 見焉比者閭戶一空草深三尺侯之心苦矣侯之憫旱也

四年之憂急於救焚迎九天之仙嵩祀於閭每禱必犯晨
 露觸炎暑無不虔焉同日之災甘澍先至侯之心苦矣若
 夫春漲秋涸民病涉矣侯能無憂乎奉之四橋時葺時圮
 侯次第新之馮川橋稱最大者高其石趾數尺橫駕大杉
 練以朱檻遠而眺之若虹偃波宜眺一景也若龍珠
 若陽鳥若樾柳俱楚粵筠州之要津侯改龍珠橋稍折而
 南小殺水勢陽鳥樾柳新其墩增其石版俱極完善侯自
 奉甚約哀然羔素四橋之費不貲俸薪一無所吝侯之心
 苦矣凡此皆侯之憂而先者也今如何哉逋足而事終警
 息而戶晏草宅之田黃茂翼翼蕪曠之野桑麻蓬蓬訟人
 稀年穀熟民之樂皆侯之樂也國士拔其尤庶士養其體
 如披春風如裊時雨無不發榮而滋茂焉士之樂皆侯之
 樂也輿梁既成徒杠復竣行旅之樂皆侯之樂也若夫乳
 媪之設藥劑之施掩骼之令皆侯之令侯之樂也夫今之
 令困於循資沒於吏牘俛仰俱不自由休沐且不遑矣侯
 從容整暇理劇若無花時農月稅於東郊進父老子弟而
 課之春爾于耕乎秋爾濂場乎諸所植蒔之也若子置之
 也若棄乎侯之逸豫為何如也比者堂既落成揖鄉紳而
 友教之一鵬一咏非絲非竹山水之清音可人清聽也進
 弟子員而教之雲光水色花笑鳥啼皆文章也登斯閣也

游目騁懷眺寶峯望元秀覽虬阿邇延綠野遠混天碧有不心曠而神怡者乎嘗讀天聖萬年之書范文正先憂後樂如或見之以俟吾侯深有當也兩臺使者最侯治狀第一內召還朝臺垣入直近

天子之光侯自此遠矣所謂憂樂在天下矣忠既簡乎帝心慈必宣乎民摸如乘正子春之視疾加損適宜天下之病

脫然以起明效大驗必有如范蘄州者矣夫漢之循吏不為少矣古今稱去思者必首何司空武侯勝國大司空石湖公裔也繩武世濟一如汜鄉可謂能世其家者矣雖然吾猶為奉幸焉召杜接踵者一路之福星黃何比肩俱一臺之二妙奉之鬱結久十年之內有大發揚亦天人理數之必然者昔有頌范文正公者曰先生之風山高水長侯之憂樂千古在斯碑矣因大書之使後之尋故事者有所考云公諱嘉祐字子受浙江山陰人按毛西河集公名作嘉祐以字攷之亦應從此舊志似誤

李芳辰

八年任舊官師表云有傳宦蹟傳未見似遺漏

董宏毅

十二年任字士超號任菴奉天正紅旗人以監督出知縣事時耿逆倡亂閩中新昌寧州所在盜

起十月新昌賊大至宏毅與官兵等約曰我雖文吏今賊臨城下願冒矢石及諸君共生死乃戎服率賊獲二十人各挽強弩登敵樓把總胡來朝武舉王顯光策勇士往來防捍甚固賊新集利速戰宏毅堅守不出圍數日不得下民情洶洶宏毅意賊有內應者夜半下偵之老僕楊天爵執火從至儒學門有飛刀斫宏毅大驚辟易走天爵揮利刃斷賊左臂賊以隻手鬪天爵益奮宏毅繞學宮後踰墻垣出刺賊臂天爵斬之賊失內應有退志宏毅率民兵出戰手發一矢斃偽左將軍某遂潰追緝數里斬馘無算是夜擒賊將六人還初賊方至宏毅僕盧大成私曰城破主人必死難奈何斬忠臣嗣乃陰變服為道士負宏毅幼子國瑛遁塗遇賊欲殺之卒以黃冠免同時靖安新昌多摧破惟奉新剿殺聲最著既而賊復合靖安寧州諸盜擄掠進化安興諸鄉宏毅禦益力乙卯冬賊萬餘人來據磔下宏毅與分巡道李世昌領兵大破賊於寒婆嶺招降偽寨將劉應璉等七十九人賊兵六百六十九人安集流亡男女一萬四百餘口一城安堵如故時兵荒之後民苦輸餉宏毅力請題蠲困賴以蘇越三年以循良擢陝西莊浪同知去之日民間號泣聲震數十里繪董公殺賊圖以獻後宏毅歷官中外四十餘年仕至左都御史八十二卒於家

何 籍 十九年任號霧巖四川梁山人進士時寇氛初淨
 得因緣為茲民重困籍初至見之歎曰法以懲暴民奈何
 苦吾赤子耶為具牘繪圖陳狀請減刑獄緩徵比招徠失
 業者使得耕種其年民乃復業籍亦次第輸納無後者
 為政清靜不擾與民休息而精明廉察人不敢欺敬禮士
 大夫雅好著述簿書紛沓而操觚不輟在職四年擢黔西
 知州百姓挽留之不得乃為生祠與前令何嘉祐並祀號
 二何先生 饒宇拭邑侯何公去思碑記豫章迄西新吳
 稱望邑其地衝而民疲山複而田下賦應九等乃則浮科
 溢閭闔終歲勤動不足嗣公家征徭亦土之至瘠而不易
 令者也予嘗泛覽齊土之民其望令也恒重凡令得專行
 之事則吹求焉不得專行之事皆強安焉一不得當浮議
 繁與防之愈潰安能得其感慕謳吟於去後如今日新吳
 之於何侯哉何侯博雅古道君子也雖釋褐已久而著述
 弗倦雖簿書鞅掌而操觚不輟每出一言後學奉為指南
 道德經註心遠堂集及焚餘草勸戒錄天下能讀之也庚
 申冬來令新吳正兵火板蕩之餘散四方者未盡復邦族

田甌脫者未盡墾宿草瘡痍在體者未盡長肌膚加以差
 檄之霆擊胥役之舞文胥民之壽張危哉新吳幾成漏舟
 而不可收拾侯至期月悉得其狀謂此未可盡以法製也
 當靜以養之徐以導之曹相國治齊是吾師也於是刑
 無敢以廢用其輕者賦難以緩先其急者御左右不設鈎距
 切飲食服御取其便而易致者遇地方大故輒慷慨繪圖
 上請必愈久而後止焉數年來新吳漸氣振而色飛矣故
 新吳之民如赤子之依乳哺不可一日而無去諸懷今侯以
 治最超擢黔西二千石邑父老聞報歔歎息舉幡臥轅
 下市肆為虛復扶老攜幼裹糧渡章水向撫軍藩臬
 借寇君情辭真摯咸咨嗟感動無如為例所束何也乃歸
 而謀所以紀侯德者侯却之再四諸父老竊相議曰侯之
 所以堅却者恐以煩費吾民耳吾今有以體侯之德而
 申吾屬之情僉曰若此將何法之從其長者曰曷不於舊
 何侯之甘棠而並列焉誠前召父而後杜母矣眾踴躍稱
 善而侯亦不能止矣堂既成而問記於余余因歎何侯今
 之循良奉父老亦古之遺直第父老自為計則得矣尚未
 知天子所以遷侯黔西之意也黔西古荒徼入

本朝版圖方廿年山箐深阻習俗悍獷未可遽以王章繩也
 必得慈惠之師忠信之長優柔而漸摩之未可僅以台丞
 率也必臨以中大夫師帥之邦伯彈壓而鎮撫之侯又蜀
 人黔西為鄰國必能知其風氣設政敷教必能中其款情
 此今日遷侯之意也且父母之於子也已成才者愛之未
 成才者憐之王者之官人也筮仕則銜註以試報績則級
 進以階侯治新吳有成效正可轉為草昧勤教育
 聖人藉紉南顧之憂侯亦益展其生平之蘊父老胡能以新吳
 私侯哉雖然私之不得細於例也私而勒石於堂不廢兩侯
 之良法則不惟報德也且以勸將來也堂之大有所繫也
 如是夫夫是以不辭而記於石侯諱縉號霧巖茂茂進士
 四川梁山縣人

王景賢 二十三年任鑲黃旗人監生

金廷對 三十二年任號恕亭鑲黃旗人貢生

丁先聘 三十六年任福建古田人舉人

金焯 三十九年任浙江富陽人附監

陳廷樞 四十一年任字維垣號東川安徽桐城人時積欠
 十甲甲有長循環為之使自相催徵過期者尚有罰如限
 者官給牛酒勞之由是無催科之擾而民樂輸將積習頓
 改至今遵行焉好文禮士每校試與諸生銜杯論文娓娓
 不倦以望誤去職卒於奉新邑人士咸惜之

張斌 四十六年任福建崇安人舉人

莊清度 五十一年任字省堂江蘇武進人康熙丁丑進士
 羨汰陋規風裁凜然人不敢犯有大猾素舞文清度以事
 治之論荷校尋逸去竄名旗籍中歲餘持檄歸里意揚揚
 自得清度聞立遣人擒治卒置諸法一邑駭服自是豪強
 屏跡吏胥無敢為姦治行遂為數十年之最雅好造士課
 試所賞拔悉一時秀彥辛卯分枝鄉聞邑尚書甘汝來出
 其門在職六年編建巡撫陳瓊特疏薦之擢湖廣鳳凰營
 通判累官至禮部儀制司郎中

鄭毓謀 五十四年任字詔臣號創庵湖北蘄水人拔貢

王藩 雍正四年任字价人雲南晉寧州人雍正癸卯進士下車詢民疾苦釐剔奸弊四境肅然前官頗優柔通賦累萬藩設法勸化不事敲扑而供輸無敢後者凡地方有關制度者悉舉行之尤雅意作士捐俸立義學校邑童之秀者延名師教之每課試親第甲乙頒楮墨以示獎勵焉尋以呈誤落職邑民為罷市裹糧赴郡保留者數百人格於例不果

童希睿 五年任福建崇安人舉人

沈廷貴 九年任浙江鄞縣人舉人

趙知希 十年任字太音號環石安徽涇縣人康熙庚子舉人由內閣中書改知奉新縣潔已愛民常俸外盡革諸弊政有評訟者辭既具輒叮嚀曉以義理不加繩劾各自引咎去捐貲創建

上諭亭規制極為宏厥時方奉旨重建百丈寺羽檄旁午供億浩繁知希躬自辦理絲毫不以累民上官多嘉獎之性廉靜然發奸摘伏如神邑有巫者假神言禍福偶驗愚民信之趨走若狂知希命昇神至縣立

焚之遂絕有黠民充藩役者以事當子杖自陳身是憲胥例須申請知希笑曰且試杖之然後後請可耳卒杖之其持正多類此在職九年風教大洽尤喜振興士流獎進後學所賞拔先後多中鄉會試科名之盛遂為數十年所未有調知貴溪士民傾城祖送至車馬不得行尋以卓異擢直隸晉州知州

張天謨 乾隆五年任湖北漢陽人舉人

楊憲文 八年任雲南石屏州人甫下車值歲荒設法勸賑出常平倉減價以糶全活者甚眾時徂夏不雨禱於城隍不應乃閉閣自訟免冠徒步禱烈日中浹旬雨大降竟以勞瘁致疾卒風神嚴整儀表瓌異凜然不可犯為吏廉平民畏服獄訟者庭決遣之案無留牘及卒括囊中僅數金竟不能殮聞者咸醵金為治喪事觀歸士民無少長白衣冠相送號泣沿路數十里不絕

覃一仁 九年任字壽山貴州石阡人舉人

陳景仁 十年任號雲川浙江仁和人進士

余潮 字湖三號韓班湖南攸縣人乾隆十四年以進士

軍較他縣稱便潮慮船戶拖欠擇誠實者令里民具保領
載顆粒無遺時承徵修縣志距前志近百年潮廣為搜羅
得甘冢宰舊稿延名宿編葺成書政暇則與書院諸生講
學娓娓不倦士論尤多之

李秉鑑 十六年任山東棲霞人舉人

史謙光 十九年任山西武鄉人進士

李天鵬 二十一年任字圖南四川涪州人舉人

張守約 二十三年任浙江烏程人舉人

孫似梅 二十五年任雲南呈貢人舉人

劉文確 二十八年任湖南辰谿人拔貢

趙中忱 三十年任直隸寶坻人舉人

張坦 三十三年任河南鄆城人舉人

尹德嘉 字號蓮齋貴州修文人乾隆三十三年以舉

清黠胥土豪為之斂戢有奸偽託神憑託人陰事幾釀巨
案德嘉較其神事得寢縣西越王山多虎時出噬人德嘉
禱於城隍親往捕之召里中健兒勞以酒懸上賞連斃二
虎患遂息其他浚城濠興水利惠政多稱是去之日送者
塞道至泣下邑人作去思歌傳頌弗衰

婁起銓 三十八年任浙江山陰人吏員

甯有誠 字號丹亭奉天錦縣人乾隆四十一年以進
士知縣事廉靜明斷摘奸如神捐俸倡首置義學
田租一百八十餘石諸生裕膏火絃誦不絕有誠之力也

郝適 四十三年任陝西盤屋人進士

剛桂 四十七年任滿洲鑲藍旗人舉人有幹濟才政尙
嚴速修葺書院嘉惠士林調新建縣去

邵鳳鳴 五十二年任雲南建水人舉人准任後廉靜自守為政不煩被劾去民咸思之

趙增 號益堂浙江德清人乾隆五十六年知縣事慈祥愛民培養士類馮川書院歲久傾圮增出

已俸修葺廣齋舍繕器用新几榻肄業生至今賴之善形家言如岐峯塔演武亭九天閣皆次第修建調署南昌緣事罷職後起復補新淦縣

田緒文 嘉慶二年任直隸懷來人舉人

金泰觀 五年任字器山安徽當塗人庚子舉人

姬學周 二十年任甘肅寧夏人進士

鄒山立 二十四年任字希武號松崖山東茌平人監生現任

附載 按署任舊志不載茲擇有官蹟者登之以志去思其餘概從畧

笄與齡 江南句容人順治乙酉署邑篆時土寇竊發人情洶懼與齡單騎入賊寨撫諭之賊感泣散去井里

晏然民咸感之後去官移家邑之羅坊號容安老人著有環玉堂集

胡錫熊 字號 寧州判雍正八年署邑篆廉介自守詳革漕糧陋規倉次肅然

沈均安 號朗齋江南高郵州人以副貢為安義縣丞乾隆十四年奉檄攝邑篆廉明慈恕練達政體泚官即

刻牘告士民無誣訟文詞委婉見者感悅甫數月訟庭間寂熙熙如也奉新民樸而愿號稱易治惟胥役多大姓為

之勾結深固實為弊藪均安至不少假以辭色有舞文者立窮治之諸猾胥無敢橫者先是邑舊有書院前令趙知

希常欲倡興義學會調去不果歷令皆假為公解絃誦之區幾鞠為茂草矣均安慨然舉行之捐俸為膏火贊拔儒

生之秀者肄業其中延師課之今書院生徒濟濟樂輸者雲集均安實倡其事也受代去邑人為文以紀之

吳名鳳 號竹庵直隸寧津人舉人嘉慶二十三年署縣事承前縣姬學周積弊之後清釐滯獄民因以蘇捐

俸葺書院諸生課藝逐卷加點竄第甲乙士爭師事之在任八閱月當受代邑人赴郡請於大府乞留格於例不果去時製詩祖帳遮道鄉民無少長咸嘖嘖稱為好官云

縣丞

唐

高良弼

神龍二年任始遷縣於馮水之北卽今縣治也

宋

李允武

紹興元年以左宣德郎任

姜邦光

二年任

洪曉

十九年任轉右承事郎

黃源

三十二年任

曾省

隆興元年任

李愈

乾道四年以右修職郎任

周大辨

淳熙十四年任

任圖南

慶元二年任

楊炎正

六年任轉從事郎

李得益

嘉泰三年任授承務郎

曾逢辰

開禧三年任

李進卿

開禧中任

趙時

寶慶三年任
轉承事郎

李

直

紹定五年任

趙彥佐

嘉熙四年任
授承德郎

張

操

淳祐六年任
授從事郎

趙公撫

寶祐五年任
授修職郎

陳

壽

景定元年任
授修職郎

楊震子

咸淳三年任
授將仕郎

元

宋大用

至元十四年
任轉承事郎

路

順

十七年任
授將仕郎

明

王若霖

洪武五年任南直歙縣人

王伯暈

六年任

金玉成

八年任湖廣羅田人

石可攻

十一年任南直高郵人

谷謚

十五年任

鄭叔雨

十七年任南直吳縣人進士

葉元

二十年任浙江江山人

陳觀

二十二年任福建福州人

陸仁甫

二十四年任南直宜興人

張良成

二十六年任南直句容人

葉壽

二十九年任浙江衢州人

江仲庸

永樂元年任南直休寧人

李用成

十三年任湖廣茶陵人

陳晟 十五年在廣東海康人

封添祿 十七年任

歐陽郎官 十九年任南直淮安人

王普光 宣德十二年任福建建寧人

胡簡 十二年任四川馬湖人

胡圯 正統中任浙江鄞縣人

吳禧 景泰中任南直鹽城人

邱清 景泰中任湖廣石門人

華容 天順中任湖廣蘄州人

毛昇 成化元年任浙江鄞縣人

王琛 九年任山東嶧縣人

羅鐔 十四年任湖廣茶陵州人廉介勤慎政無操切卒於官民甚思之

陳杞 二十年任湖廣臨湘人

鄭璫 宏治二年任陝西富平人

王鏊 十一年任銅鼓衛人

蔡端 十五年任福建同安人

吳祐 十八年任浙江海鹽人

何永清 正德五年任字源清廣西潯州人廉勤剛正遇事勇為時華林賊起營城隍治武備從事兵間者數

年後與子冲霄從副使周憲攻賊於華林冲霄力戰死之永清亦以勞瘁致疾卒蕭然無以為殮及喪還領邑為之哭送祀名宦 按通志引豫章書何永清一云開封人

張金 九年任廣西賓州人

吳縉 十二年任浙江平湖人

邵銓 嘉靖三年任字衡甫號平齋南直嘉定人陞同知

韓乾元 十四年任浙江山陰人

葉泰 二十年任浙江餘姚人

陳訪 二十三年任浙江麗水人

沈滕黃 二十六年任湖廣瀏陽人

張理 三十二年任浙江海鹽人

李恒 三十五年任四川銅梁人清潔有惠政尤精易理及秩滿去囊書一篋白金十餘兩而已

賀卿 三十八年任湖廣人

劉元祥 四十二年任四川人

王鉦 四十五年任浙江會稽人

胥義 隆慶二年任湖廣人

金積 四年任號竹岡浙江嘉興人

李輅 萬歷二年任南直上元人

童士貞 六年任福建人

江溥 十年任南直歙縣人

施廷翰 十四年任浙江縉雲人

楊餘慶 十六年任直隸人

桑履吉 二十年任

徐汝翼

二十三年任福建建寧人

沈大乾

二十五年任南直無為州人

陳一信

二十八年任山東滕縣人

陳聞

三十二年任廣東人

范寅

三十七年任浙江秀水人

彭邁

四十年任南直溧陽人

張粵鯤

四十三年任廣東人

趙民敬

四十五年任號禮箴山東兗州府人

華大用

四十七年任浙江山陰人

黃國卿

四十八年任浙江山陰人

周良諫

天啟三年任南直宜興人

王文炳

六年任湖廣澧州人

俞天寵

崇禎元年任浙江金華人以後縣丞缺裁

國朝

高儀岳

順治十七年任字瞻尹號鰲極順天大興人貢監是年始復設縣丞

江山燦

康熙三年任字季涵號紫巖直隸玉田人拔貢

盧煌

十二年任

黃以成

十六年任浙江山陰人吏員

周嗣濂

三十年任河南宜陽人例監

張元祐

四十七年任號月湄江南武進人歲貢陞河南扶溝知縣

蕭子清 雍正八年任字天一號澹村四川瀘州人監生

楊宗聖 乾隆五年任字御夫陝西乾州人監生

郭正嘉 二十年任廣東翁源人拔貢

何大立 二十六年任甘肅平涼人拔貢

陳盤言 三十六年任安徽石埭人監生陞瑞金知縣

姚守書 四十三年任浙江錢塘人監生由府經歷借補陞

江 瑤 四十六年任字以舟湖北漢陽人廩貢居官鎮靜

欽其倬度以病去 廉儉自持尤敬禮文學士暇時輒與尊酒論文咸

王 澧 五十五年蒞任字菊南浙江德清人拔貢雅尚風

汪金浩 五十八年任順天通州人吏員 雅從政不苛人咸安之

陶 衡 六十年任浙江山陰人增貢

卜大鶴 嘉慶四年任順天固安人拔貢

李鵬元 嘉慶五年任湖南醴陵人廩生調武寧縣丞

張尊緒 二十五年任順天宛平人監生

徐統藩 道光二年任浙江錢塘縣人

宋震祥 道光四年任江蘇長洲縣人監生現任

教諭

宋 主學

張鳴鳳 咸淳元年任 轉迪功郎

吳懋卿 三年任 轉迪功郎

詹應解 九年任 轉迪功郎

元 學諭

余炎午 至元十二年任 本縣人 詳進士

夏侯士璋 至元中任 吉水人

焦大有 至元中任

范壽 十六年任 字子洪 富州人 有僧奪學田 持訟四載 宣政院遣官根勘 辭連壽 逮問壽 不為屈 從容出

籍指示 官輒執其籍 辭色俱厲 壽曰 此與壽同生 死若執之 惟有叩登 聞求直耳 官悟 謝之 田竟得不奪

明 教諭

李士奇 吳元年任字朝章上坊人以經明行修舉修建學
 序 文學李君朝章既領縣庠職教事遂請於邑大夫凡
 殿堂齋廡一新締構而廟學之規制始備焉自是而遊歌
 之士日眾學校之政以立使夫後來者有所矜式而興起
 茲非幸歟一二同志謂李氏有功於邑學者二世以予有
 交承之契斯文之好宜有以頌其美觀風之君子庶其採
 擇之作與學賦其辭曰夫何尼山之嵩翠兮俯湯湯之泗
 沂繫元聖之是生兮偉斯文之在茲摯萬古之綱常兮炯
 日星之垂象逝有闕於來學兮豈惟明乎既往垂廟祀於
 率土兮儼儀型之具存宜百王之取則兮稽庠序於前聞
 盛衰相等於何極兮廢與興其相代假昧者之弗由兮道
 實闕乎顯晦皇赫赫以當天兮暢休風乎萬國家稷高而
 人咎陶兮雖殊俗而人同德睠馮水之百里兮為章江之
 上游振木鐸以施教兮唯夫人之好修闢荒榛於遺賢兮
 集棟梁於榱桷既底法於堂構兮嗜如輩之丹腹信宰邑
 之多賢兮亦夫人之故率奔走於後先兮於以相夫國家
 也藹弦歌之颯颯兮羅俎豆之彬彬佩衿續其來游兮射
 與樂其並勅期雋良之登用兮庶彝倫之攸敘去文藻之
 浮靡兮化閭閻於鄒魯慨三千于往昔兮撫桑梓而敬恭

步泮池以容與兮思我祖之遺蹤善繼志以述事兮心翺
 翔吾以降亶聞風而興起兮耀祖德而彌彰隘華林而不
 居兮將媿美乎湖學詠菁莪與芹藻兮夫惟此先覺謂
 播種之必稂兮曰俾昌而俾耆流嘉名於不朽兮指馮水
 以為期亂曰峩峩費宮時既乘兮孰其營之邦家之楨兮
 厥聲孔長來者之徵兮

彭 鎔 洪武三年任字存節號主一奉化鄉人以經明行
 修舉

陳 摯 十七年任湖南長沙人舉人

張克靜 十九年任浙江龍泉人學博行修善於教誘一時
 賢才彬彬輩出創觀瀾亭於學宮遺範猶存祀名
 宦

周文盛 二十一年任浙江天台人舉人署教諭嚴立教條
 有本有末士翕然從風以學行薦擢監察御史祀
 名宦

夏 廉 三十一年任南直溧水人貢生

劉覺

永樂五年任字從先廣東番禺人貢生

詹易

十五年任字從文福建建陽人貢生

潘偉

宣德十二年任浙江天台人舉人

林勤

正統元年任字克廣福建莆田人永樂舉人署任

考官得人皆名下士秩滿致仕學者至今稱之祀名宦
林文儒學科名記建學以青秀設科以興賢其所由來尚
矣成周以德行道藝教民而興其賢者能者以用之後世
卒不能復降自唐宋取人之制非一惟進士科得人為特
盛故迄今行之不易我朝稽古右文建學立師尤著科目
之選其立教本之以經書叅之以諸史然後發之以文章
以應科目之選焉夫古昔帝王之道載於書孔門聖賢之
學著於經古今治亂興亡得失之事紀諸史經書諸史既
通則聖賢之道明古今之事博矣為師者以是教為弟子
者以是學蘊之身則為德行發之言則為文章施諸政事
則為功業是科目之於得人也何負其所以未盡得人者
蓋由師道之不立主司之不明耳奉新江右名邑也其學

校科目自宋迄今得人可紀者多矣粵稽之宋登進士第
者四十七人應童子科者六人元登科目者僅三人國家
自洪武甲子歷正統甲子登科目者二十有五人列仕中
外文行政績亦多可書其尤著者若宋端明學士胡公直
孺楊龜山銘其所賜扇曰詞潤金石忠貫日月元分宜丞
舒公泰虞學士稱之曰能行古道足以變世俗國朝闕泰
端熊公本誠以公平勤慎稱於民致仕通政呂公爰正以
端謹溫厚稱於朝他如助教成均則有廖公彤亦以才識
為士林推重此則文所聞見而知者嗚呼學校科名之記
其所關者大矣哉言乎時則風俗之淳漓人才之盛衰學
校之興廢於是乎稽言乎人則學問之純疵心術之邪正
功業之顯晦於是乎觀苟其人則學問之純疵心術之邪正
與景仰之心苟不賢與則人將指其名而議之矣然則登
名於斯者可不慎哉可不慎哉文族兄勤來典學政每以
科名之記未續無以勸今垂後乃告諸郡邑命工磨石取
舊記名氏漫滅者并書之虛其左以俟方來走書屬文為
記於是乎書

趙洪

天順六年任浙江天台人舉人

林淳 成化六年任字廷實福建閩縣人舉人

錢和 十年任南直華亭人舉人

吳清 十九年任福建莆田人舉人

魏鑾 二十一年任浙江慈谿人監生

李文煥 宏治七年任廣東東莞人舉人

李恕 十四年任福建同安人舉人

唐經 正德三年任湖廣衡山人舉人剛方正大修舉學政振作士風學使者屢獎異之會缺令上官知其才卽以委經後以卓異擢九江府推官祀名宦

農志科 四年任廣西南平人舉人敦崇行誼以身爲教士類景從卒於官時李夢陽督學江西推知其賢徽縣護其喪歸祀名宦

陳嘉謨 六年任廣東番禺人舉人

毛仲通 嘉靖四年任浙江慈谿人舉人陞將樂知縣

王黼 七年任雲南人舉人陞華陽知縣

童國 十五年任山西平陽人監生陞柳州府教授

陳衍 十八年任浙江山陰人設立條約誘迪備至士林翁然稱之

高儒 二十年任號小洲廣西柳州人陞寧津知縣

盧志 二十三年任廣西賀縣人選貢

傅棟 二十六年任浙江鄞縣人選貢

陳子瑩 三十二年任福建漳浦人貢生

林貞相 三十五年任福建閩縣人爲學有本原訓迪士流皆先行而後文秩滿擢感恩知縣

翟務忠

三十八年任廣西桂林人舉人陞安仁知縣

章汝顏

四十一年任浙江金華人舉人陞鳳陽知縣

馮高

四十五年由訓導陞任尋陞河南歸德府教授

朱河

隆慶五年任福建建安人諳練典故文辭博瞻上官特重之每有章奏輒命河屬草悉中意旨以是咸獎異焉嘗創與點亭於明倫堂左日與諸生講論其中士多化之尋遷杭州府教授

毛緯

萬歷五年任湖廣景陵人貢生

張新

七年任大庾人貢生

張道深

八年任湖廣沔陽人舉人陞知州

萬民華

十一年任南城人舉人歷陞同知

黃河清

十七年任廣東饒平人貢生陞教授

鄧用敬

十九年任安福人貢生陞教授

夏霆

二十二年任浙江秀水人貢生

李權

二十三年任弋陽人貢生

傅文華

二十五年任高安人貢生

范守約

二十九年任弋陽人貢生

郭際美

三十三年任萬安人舉人歷陞同知

邢懋顏

三十五年任南直無為州人貢生

李正郁

三十七年任湖廣貴陽人

章汝成

三十九年任浙江富陽人貢生

李龍章

四十年任雩都人貢生

岑昌運

四十二年任廣東人舉人陞四川筠連知縣

涂必遷

四十七年任建昌人舉人歷陞湖廣同知舊志按通志科目作必選遷字疑誤

王民純

天啟元年任德化人貢生陞南康府教授

胡以宗

六年任鄱陽人貢生

王良相

崇禎元年任南直應天人貢生陞浙江台州府教授

邱一超

三年任雩都人貢生陞教授

曹學賜

五年任南直桐城人陞北直天津衛經歷

黃煜

八年任峽江人貢生陞教授

丁建勛

十一年任鄱陽人貢生

俞龍起

十四年任號蒼舒浙江平湖人貢生有得弁侮辱士流龍起憤甚力爭之上官得論如律頽風爲之

一振尋擢去諸生爲鐫石以紀德焉 楊宏備俞蒼翁先生去思碑記

國家養士學宮垂三百年名公鉅卿未有不繇茂才而舉者不由是而舉焉雖以口舌得官卒鹿鹿無補如露蚤風蚓

朝廷得士非學校不爲功夫郡縣而治以政得民以教得士

皆守令之職也乃廣文一席天子不惜廩賜分曹而課卽於郡縣之中使梳疑剔元一以屬

比而賓與之操一日冰鑑以臧否多士有餘矣學博先生則

日課月程不才俱無棄焉故郡縣愛養多士拂拭多士非

學校亦不爲功今者國子董於司成庶子董於學博視鄉

國學之弟子員者既無差別則視鄉國學之教弟子員者

甲乙明經俱師表也又何差別於其間哉自外補諸公晚

節促馭多不可言師儒之誼日以寢薄去來莫問有絲然矣浙東俞先生通博簡遠不受儒縛早歲才名藉甚當湖

鏢闈屢當而屢躓余備湖藩時兩浙名賢多惋惜之余向

去思余曰故事乎諸士曰前此未有也有之自吾師始余曰優轉乎諸士曰台使者已報最吾師將慕陶多士將說峴也余曰先生得士如此之深乎諸士曰曩者先生縞帶躍士雁羔不備懷刺漫滅典謁不通今吾師時與弟子周旋發明義蘊如探淵海如燦羣花諸士無不開朗此可思也曩者先生右弁左紳矜佩之士徒兒折辱今吾師視事與吾邑賢父師大振頽俗得請於上士氣一揚此可思也曩者先生端居簡出今吾師或攜詩篋登龍山絕頂與諸弟子昂首問天或負酒壘泝馮川篋墩與諸弟子飛觴醉月使我諸生愿覽無際好懷若澄此又可思也若夫並立而使人化標然若雲鵬然品誼蕩蕩若流水使人思之莫忘則吾儕諸生莫能狀之矣惟先生畜道德能文章者記之嗟乎余不操筆爲文久矣聞諸生之言如見所夢於十年之前意中流水余能忘之耶方先生懷抱利器抗志雲上余與浙人士無不謂清流華要捉鼻不免豈期今者尙以冷氈相累耶今者僅著能聲於教成度非先生所甚安也古者鬱其所蓄一見如張長史之於書梅正字之於詩君子憫焉先生不偶於時猶陶然於詩酒之間怡然於生徒之際絕無海上隴陰之態昔人所稱瑞日和風者高大之胥得無似乎且上考旣注銅墨之綰直晨夕事耳乃雅

意林壑不受窘束又何與濫江相類耶嗟嗟官之繁散亦何足論亦貴稱職而不誣無負

朝廷命官之意斯善耳先生擁皋比勤職業使奉士彬彬秀而文質而綺通利而德其師足以應良有司之舉豈其有愧師表辱

聖天子重學之詔與邑侯愛養多士之意乎昔二疏以請官乞休今先生以教成求去誰謂古今人不相及哉但悲
今上優注耆英知先生不任煩劇以清要相屬如吾里間胡文恪公召於長垣咨其秘畫則先生之去又自此升矣欲如老夫之閒其可得乎行矣先生勉爾遁思其以余言爲華贈且泐之珉以志諸生勿諼

崔岑 十六年任山西人貢生

田文 十七年任北直定州人貢生

國朝 康熙三年教諭裁二十二年復設

王師夔 順治四年任字允諧南城人壬午舉人歷陞知府

湯嘉年 九年任字善卿金谿人舉人

張瑚 十五年任臨江人貢生陞瑞州府教授

梅遇 十五年任字品章南城人舉人初諭奉新有土寇

燬及左右傷數人不為懼寇挾邪術翼兩笠登女牆遇麾卒斬之寇退城全摧陝西柳縣令亦有治聲歷陞永寧府同知 見省志舊志遺

王績 康熙二十二年任廬陵人拔貢

胡繼宗 二十二年任金谿人舉人陞建昌府教授

徐望齡 三十六年任玉山人勤於考課所拔多一時名流俸滿擢去

舒嘉言 四十四年任貢溪人拔貢

李文錦 六十一年任字綱菴廬陵人在職十三年模範整肅生徒欽服尤留心學廟捐租修葺規制粗具俸

滿擢臨江府學教授

朱孔陽 雍正十三年任字來函金谿人舉人整飭學校士論翕然

王煥然 乾隆十年任字佩章安福人舉人

郭棟 十八年任龍南人拔貢

楊克進 二十一年任吉水人 恩貢

蕭一枝 二十六年任雩都人丙辰舉人後任四川萬縣知縣

胡駒龍 三十四年任新昌人丁卯舉人在任最久訓迪諸生壺壺不倦後任福建鹽課大使其子孫皆以科甲顯人以爲盛德之報

朱進 四十六年任南康人副貢

鄭惟鏈 四十七年任上饒人副貢

車世球 五十六年任泰和人拔貢

郭大經 嘉慶四年任號星嶠萬載人舉人加意訓課尤卯
任九年戊辰會試成進士即用知縣任安徽太和縣

項邦槐 十三年任星子人拔貢

傅紫綬 十九年任字一庭號雪岡南城人戊午舉人現任

訓導

明 舊制原設二員崇禎十五年裁一員

陰 鏜 以經明行修舉本縣訓導舊官師表云洪武三年
任選舉表云四年任字彥聞進城鄉人

况思文 以經明行修舉本縣訓導舊官師表云洪武三年
任選舉表云十八年任字原道從善鄉人工詩其
遭亂詩有云田荒蛙作主亂久燕為家祀名宦

陳希曾 以經明行修舉本縣訓導官師表云洪武十四年
任選舉表云十七年任字自省號恕齋上坊人

鄧 輝 以經明行修舉本縣訓導字伯幾號樂隱進城鄉
人

喻仲淵 二十三年以經明行修舉本縣訓導字鏡生奉新
鄉人

張 顯 字緝熙下坊人幼從父士原學有時名洪武中以
明經舉本縣訓導有詔選儒學之士教習胄子吏

部疏薦顯等十人除靖江王府教授永樂初與修高皇帝
實錄書成賜銀幣遷國子監學正考績最著陞監丞著有

卷叟稿一卷祀名宦

趙子温

洪武二十八年任廬陵人貢生陞金華縣知縣

周霽

洪武間以經明行修舉本縣訓導陞考功司稅舊遺據郡志補入

杜泗

建文二年任字景清浙江上虞人貢生陞教諭

楊承源

永樂六年任廣東徐聞人

榮教

十三年任湖廣巴陵人舉人

丁太初

十五年任四川銅梁人監生

奚鐸

十七年任湖廣江夏人舉人

沈廉

十九年任北直任邱人舉人

文質

宣德十年任湖廣安陸人舉人

陳訥

正統五年任浙江浦江人舉人

陳用貞

景泰元年任廣東東莞人儒士

邵忠

三年任浙江桐廬人監生陞廣昌教諭

王熙平

天順元年任浙江臨海人監生

鄭和

成化三年任福建太寧人貢生

顧望

五年任浙江秀水人監生

馬晉

十二年任舊遺補入

黃英

十四年任福建莆田人舉人

彭成

十五年任廣西興安人貢生

陳遵

二十二年任廣東茂名人貢生

劉軌 二十三年任廣西臨桂人舉人

湯晟 宏治三年任浙江孝豐人監生

陸紳 九年任號越仙浙江慈谿人舉人陞楚雄府同知

黃鑑 十一年任浙江永嘉人監生

徐璫 十四年任浙江常山人監生陞教諭

陳容 十七年任浙江烏程人監生

趙瑄 十八年任福建南平人監生

孫貫 正德六年任南直句容人監生

吳憲 九年任南直休寧人監生

楊夔 十五年任湖南沅州人監生

翁 嘉靖三年任號龍巖福建漳州人貢生

葉澤 四年任 按舊志官師表云有傳而宦蹟傳無之

陸任忠 嘉靖中任廣東南海人性清介士有以贊幣見者

卓異累擢至梧州府同知 輒却之衙齋蕭然嘯咏而已與邑令朱雲鳳同修

馮楷 七年任廣東南海人監生

王翔 九年任號南田福建晉江人選貢陞教諭

黎永寶 十年任湖廣長沙人天性醇篤為造就後學勤懇不

聞理 十三年任浙江鄞縣人造就多士以身為教嘗被

問之蓋其父忌辰也理時年七十猶孺慕不衰學者無不

胡時向 十七年任浙江人監生陞陽穀教諭

危必亨 十八年任福建光澤人貢生陞劉陽教諭

孫鰲 二十七年任浙江長興人貢生

戴邦直 二十九年任南直上海人貢生

顧邦 三十二年任浙江仁和人貢生

馮高 三十八年任浙江金華人貢生陞本學教諭

戴志榮 四十一年任湖廣漢陽人貢生陞陝西教諭

呂輝 四十五年任浙江永康人貢生陞銅陵教諭

陳惟一 隆慶二年任廣東番禺人貢生陞教諭

李本恕 四年任號二溪湖廣衡陽人貢生陞華亭教諭

卓成鸞 六年任湖廣慈利人貢生陞興國教諭

涂忠謀 萬歷元年任湖廣興國人貢生

吳省 三年任龍泉人貢生陞教諭

袁霄 四年任南直宜興人貢生陞教諭

周激 六年任上饒人貢生陞教諭

黃卿 九年任宜黃人貢生

邱雲登 十二年任湖廣穀城人選貢陞教諭

王天鑑 十五年任湖廣通城人選貢

鄭太初 十八年任廣西馬平人貢生

陳留松 二十一年任福建順昌人貢生

盧子政 二十三年任寧都人貢生

潘可受 二十四年任湖廣瀏陽人貢生

龔浩 二十六年任號敬所建昌人貢生陸六合教諭

袁絡 二十九年任宜春人貢生陸教諭

沈遐思 三十三年任湖廣靖州人貢生陸教諭

侯廷柱 三十八年任浮梁人貢生陸教諭

陳家相 三十九年任安仁人貢生陸棗陽教諭

楊本立 四十一年任瑞金人貢生陸南安府教授

歐陽楨 四十二年任湖廣鄖西人

萬賓 四十五年任南城人貢生陸知縣

曾以忠 四十七年任上高人貢生

胡一桂 天啟元年任高安人貢生

祝應舉 二年任湖廣通山人貢生陸本府教授

鄒孟學 四年任雲南人貢生

張汝梅 五年任臨江人貢生陸永寧教諭

陳璉 崇禎二年任廣東南海人貢生陸武寧教諭

黎永質 五年任陝西人貢生陸教諭

胡承烈 七年任南直江浦人貢生

胡之璞 八年任萬安人貢生陸教諭

徐以忠 十二年任都昌人貢生陸教諭

陳于禹 十三年任字發乾河南人貢生署本縣事陸瀘溪教諭

周禮吉

十三年任彭澤人貢生陞餘干教諭

鄧忠

十六年任福建順昌人貢生

國朝

順治十六年訓導全裁康熙三年復設

王埜

順治六年任字鵬南浙江華亭人貢生陞安徽當塗教諭

程良佐

十二年任字虞臣德興人貢生

劉乾生

康熙四年任德化人歲貢

黃之琇

十五年任字耳美宜黃人歲貢

蔡志奇

十九年任上猶人歲貢

劉承謙

三十年任廬陵人歲貢

彭宮巍

三十三年任大庾人歲貢

湯有定

四十六年任餘干人歲貢

陽學易

五十一年任南康人歲貢

康安國

五十五年任龍泉人造士有法學政修舉生徒中有貧乏者常俸助之

陳縱

五十九年任字伯儔臨川人廩貢改主簿

饒煥彩

雍正四年任廣昌人歲貢

朱國宴

八年任雩都人歲貢

文律遠

十一年任德化人性樸邀敦崇古處常精之外一介不濫取嘗支俸未至厨傳蕭然家人咸以為言

律遠方仰屋吟咏晏如也勤於課士雖嚴寒溽暑弗輟以老乞歸士競為詩文送之去日獲被外輿一大囊印所贈卷軸數十而已

陳國亮

乾隆十年任玉山人歲貢

胡亮 十三年任廬陵人歲貢

原超 十五年任樂安人歲貢

戴名標 二十三年任字元亭萬安人歲貢

朱文淵 二十九年任南康人歲貢

董枝桂 三十一年任德興人舉人老成持重士林宗之

張湘 四十五年任峽江人歲貢

胡世炳 四十六年任餘干人歲貢

林大任 四十八年任號尹堂分宜人戊子舉人性情伉爽

人士尊酒論文多所沾溉大任之學皆有席所授故課士

有成效焉後陞授饒州府教授福建仙遊知縣

程世鎮 嘉慶三年任新淦人庚子舉人

潘有本

八年任上高人丁酉舉人大挑知縣分發安徽試用改教銓授廉正樸直不計脩脯不苟言笑訓飭

士子有方去之日邑人競為詩文以送之 涂日燿送司

訓潘萬亭歸里序道光二年壬午閏三月邑司訓潘萬亭

先生以年老乞休歸其里邑紳士耆老及門下生百數十

人相與餞留於道而屬余為文以紀之重師道也誌不忘

也先是先生以嘉慶己卯歲具文乞休以邑諸生再三固

請乃止至是而先生年七十有三矣歸志愈決仍前固請

不獲命乃擇日以行夫一邑之文風士習視乎學學之誠

偽虛實視乎學官之賢否以為之表率則官禁重矣特患

居是官者自謂無關重輕達者琴書詩酒以自適否則計

學田而爭脩脯於課士之法置為緩圖若余所見聞如先

生者殆不一二觀也先生曾權皖之東流篆以才不勝任

力請改教癸亥選授茲職夫人即才有長短誰能自知之

即知之矣誰能自決如先生之見機明慮事斷去就綽綽

非有大才力者不及此余以是時知先生之治學必有異

於時俗學官之所為而竊為邑諸生幸之先生之學以正

誼不謀利為主與人真誠樂易外雖不設防矜而內行彌

介先生之論文以經義為根柢而以理法繩其間官吾邑

二十年諸生之歲脩餽贖有無多寡從未聞置一詞諸生

秩官 訓導

以是益敬重焉間有浮薄不修繩檢之士則色為之沮不敢登先生之堂故自先生來而邑之士習益醇士風益振先生訓諸生如其子弟諸生亦愛先生如其父母自稱紳先生下至市井童稚皆知其賢至於修考糊祠文昌詳聖廟皆極力贊成而邑人之所重先生而不忍先生去者固不在此而無如先生之竟去何也於是邑人士諸生相與謀曰先生去矣而先生之廉靜正直其相孚於吾邑者未去也先生之甄陶涵育其相被於吾學者未去也是宜歸之竹帛焉形之歌詠焉申一爵以爲先生頌余乃偕諸同好生百數十人祖餞之而祝曰先生去矣願先生優游杖履偃息林泉異時年躋耄耋放鶴飛來想逍遙谷之風猶能惠我故人也為序

徐起鵬 道光三年任高安人甲子舉人現任

主簿

宋

向 湍 政和四年建主簿廳

晏 竭 天聖四年偕縣令修城隍廟見秩祀

翟秉倫 靖康二年任致仕居南鄉翟坊

張 相 紹興十年任

張祖留 十九年任

孫 復 二十六年任

李浩然 紹興中任

李 學 乾道九年任

徐 翊 淳熙十一年任

趙汝掖 慶元五年任

黃之望 慶元中任

孫仁本 一作本仁嘉泰三年任

趙希義 開禧元年任

高子叶 嘉定九年任

熊應鵬 寶慶二年任迪功郎

趙彥增 端平元年任修職郎

陳大成 淳祐三年任迪功郎

朱士表 寶祐三年任迪功郎

張之恢 五年任

張崧 咸淳九年任修職郎

元

李仲元 至元二十一年任陞本縣尹

呂居仁 二十四年任授將仕郎

石遵古 二十九年任授進義副尉

明

袁伯獻 洪武三年任萬載人

胡瑋 五年任浙江壽昌人

周忠 六年任

張榮祖 七年任

王宗禮 八年任

李文暢 九年任

韓定福 十五年任廣東文昌人

徐尙德 十八年任

傅敬敏 二十二年任浙江上虞人

黃泰 二十六年任南直當塗人

邢敬 永樂元年任河南彰德人

李明聰 十一年任湖廣澧州人

孫敏才 十三年任浙江上虞人

尙志 十七年任陝西人

李祥 十九年任湖廣人

王純 二十一年任

廖珩 宣德十二年任湖廣人

趙文彥 正統中任雲南懷寧人

余鏞 景泰中任湖廣沅陵人

曾謙 景泰中任廣東南壽人

張雍 天順中任福建莆田人

何琛 成化七年任浙江常山人

孫智 十年任廣東歸善人

王環 十一年任南直宿州人

文朗 十七年任廣西融縣人

羅文 二十一年任湖廣衡陽人

謝璘 宏治二年任福建建寧人

朱淵 十五年任南直睢寧人

胡鉦 十七年任南直睢寧人

薛熬 正德三年任南直廬江人

蔣綉 七年任河南汝寧人

鄒鼎 十二年任福建長樂人

吳景巖 嘉靖三年任南直貴池人

李仕光 七年任河南祥符人

陳緯 十一年任

陳祿 十八年任陝西平涼府人

鄭輝 二十三年任南直太倉人

郭萬安 二十九年任廣西桂平人

杜祉 三十五年任雲南人

李惟喬 三十八年任福建晉江人

余天明 四十一年任湖廣黃岡人

張金 四十五年任南直太湖人

徐堯咨 隆慶元年任號西亭浙江義烏人雅能詩每挂笏
嘯咏而政事不廢公餘角巾攜杖流覽名勝陶然
自得見者不知其為官也遷王府典膳不就竟拂衣歸

後鎬 萬歷元年任南直蕪湖人

李玉 四年任南直廣德州人

唐仕廉 十年任湖廣聚陽人

胡點 十二年任南直望江人

朱邦傑 十三年任南直休寧人

錢大球 十六年任浙江人

汪士賢 十九年任南直貴池人

柴炆 二十一年任浙江仁和人

陸撫謙 二十四年任南直常熟人

馬德倫 三十年任浙江山陰人

汪文兆

三十二年任南直寧國人

童嘉謨

三十五年任南直上元人

張國光

三十八年任南直歙縣人

陳泰時

三十九年任福建人

雷志泰

四十年任浙江山陰人

王邦仕

四十三年任南直貴池人

梅汝慶

天啟三年任陝西徽州人

車應賢

六年任四川人

唐之亮

崇禎元年任四川雅州人

吳世澤

三年任福建人

方效麒

五年任浙江山陰人

吳汝光

十六年任

國朝

藍之采

順治間任福建人由國子監學正調外任在官紳有政聲康熙初年缺裁按舊志遺據甘莊恪公集

補入

巡檢

明

王良玉

洪武元年創巡檢廳
建置志補人

按舊志官師表無此人據

楊璞

成化三年任浙江嵎縣人

梁巨川

五年任南直常州人

徐璫

九年任浙江餘姚人

李善

十三年任南直睢寧人

劉志

二十年任南直臨淮人

蘇幹

二十二年任山東膠州人

秦禎

宏治三年任山東嘉祥人

張翺 六年任北直滄州人

馮允 九年任北直晉州人

白源

陳典

楊清

丁鳳

龔澤

舒隆 以上皆宏治中任

張祥 正德六年任南直上海人

宋珍 嘉靖二年任山東德州人

廖珂

劉應禮

傅九齡 浙江人

徐蘊浩 浙江仁和人以上皆嘉靖中任

宋應桂 萬歷二十四年任

金崇禮 三十五年任

葉尙義 三十九年任

朱應元 萬歷中任南直丹徒人

吳之蘭 萬歷中任字九晚福建邵武人

吳崇禮 天啟中任字敦之湖廣黃岡人

鮑繼興

崇禎中任廣東人

國朝

田洪濟

順治中任字維洪江南青陽人

梁宏志

十六年任字尚志號祿吾陝西華州人

婁景奎

康熙元年任直隸人

徐樞

二十五年任字子靜浙江錢塘人

陳宏

三十四年任順天大興人

姜斌

五十四年任順天大興人

周篤生

雍正七年任順天大興人

谷惟恒

十二年任順天寶坻人

沈仕達

乾隆五年任安徽石埭人

張模

七年任甘肅鎮原人

吳淵

十六年任江蘇如臯人監生

程隆起

十九年任安徽休寧人監生

王曉

乾隆中任鳳臺人監生

宋佩

二十六年任福建長樂人監生

翁翔

二十二年任浙江海鹽人供事

馬厚培

四十六年任清鎮人監生

朱進奎

五十二年任四川漢州人監生

金策

嘉慶二年任山西夏縣人典史

張若源 五年任順天大興人監生

嵇燮 五年任浙江德清人監生二十四年復任

孫明愷 十年任順天宛平人供事

紀瑤 十四年任順天文安人監生

江沛然 十七年任安徽青陽人監生

孫鵬起 十九年任四川南充人典史

郁文盛 道光二年任江蘇吳縣人現任

典史

宋 縣尉

劉光明 至道元年任 趙與鑑 大觀二年任 轉迪功郎

向漢 政和五年任與宣 朱清 宣和五年任 和元年縣令同名

李侑 建炎四年任 陳子直 紹興元年任

胡勉龍 十六年任 劉源 三十二年任 轉迪功郎 字彥隆休寧人兩浙提刑受長子以陰為奉新尉

金梁之 字彥隆休寧人兩浙提刑受長子以陰為奉新尉 一且若狂惑者不滿秩棄歸自是祖跣垢汚走歛

之墟落夜臥往往有光樞密朱樸一見則曰是八百仙之 一也直以金丹動盪故耳淳熙元年卒年六十一後有自

蜀見之者為攜家問歸蓋尸解云 按舊志遺此人今據 宋詩紀事補入

吳觀 隆興二年任迪功郎 趙必槐 淳熙四年任 轉修職郎

劉用寅 開禧三年任
轉迪功郎

趙汝麗 嘉定二年任

蔡白 五年任

湯淳 紹定元年任

趙時整 寶祐三年任
轉修職郎

元

冀元利 至元二十年任

石巖 三十一年任

譚霖 至元中任

胡明甫 至元中任南昌人
陸龍興府判

明 典史

李勗 吳元年任河南中牟人
由撫州府推官左遷

蔡善 洪武中任

譚禧 五年任

徐彥才 七年任撫州人

徐安 洪武中任浙江常山人

陸野 十五年任湖廣黃陂人

康季謙 洪武中任

屠進 二十四年任

李延 洪武中任浙江鄞縣人

羅子成 二十八年任湖廣衡山人

史文 建文四年任南直鹽城人
由御史左遷

張英 永樂十一年任湖廣通山人

周友 永樂中任浙江上虞人

吳忠 宣德十年任南直武進人

李慶 正統中任廣東人

陳忠 景泰中任南直無爲州人

李樸 天順六年任南直太平人

林棟 成化五年任福建惠安人

楊忠 十年任

王錦 十五年任浙江慈谿人

姚宗舜 宏治二年任湖廣麻城人

葉榮 九年任浙江慈谿人

黃甲 十四年任廣西人

徐誠 十七年任浙江餘姚人

林景輝 正德三年任福建莆田人

劉定邦 四年任

陳孔哲 七年任南直通州人

莊祥 八年任福建莆田人

陳啟 十五年任湖廣光化人

周欽 嘉靖元年任南直滁州人

陳允中 三年任浙江山陰人

林應昌 十一年任福建莆田人

章廷佐 三十一年任浙江諸暨人

袁汀 三十七年任南直滁州人

平旦 四十二年任南直吳縣人

史良賓 四十四年任

邱海 隆慶四年任號寒松湖廣武昌人

譚懷 五年任廣東高明人

蘇林 隆慶中任福建莆田人

陳鰲 萬曆三年任南直吳江人

葛應鍾 六年任

俞汝明 十二年任

許成嗣 十四年任

夏獻臣 十六年任浙江秀水人

郭維卿 二十五年任湖廣湘潭人

仇志 二十七年任北直定州人

陳伯相 三十二年任福建海澄人

黃寶 三十五年任福建莆田人

封一仕 三十八年任南直揚州人

朱文光 四十五年任浙江山陰人

廖初祥 四十六年任南直貴池人

任柏 四十七年任

陳汝仁 天啟三年任南直人

胡應龍

六年任南直池州人

伍文奎

崇禎元年任

洪仁聞

五年任

端邦基

七年任南直人

何鼎

九年任浙江人

沈懋中

十二年任字允如浙江山陰人

國朝

經世順

順治七年任字坦之直隸人

楊秉昭

順治中任字杼赤浙江人

張煒

十一年任號鏡初直隸保定人

邵汝祥

十三年任字酉章浙江金華人

何重光

十八年任字元之陝西華州人

胡尙高

康熙十二年任

陳世德

十九年任山東朝城人

張攀桂

三十八年任陝西富平人

吳琬

五十年任字苑玉江南江陰人

劉嘉註

雍正四年任湖廣漢陽人

董宏化

九年任順天宛平人

王基

十年任

侯王賓

十三年任陝西麟遊人

姜爾豐

乾隆六年任浙江山陰人

阮正階

十四年任字復三浙江會稽人

張元度

二十九年任浙江山陰人

潘成信

三十二年任江蘇江寧人

蔣大勳

四十二年任江蘇吳縣人監生由吏目借補

錢元銓

四十三年任浙江山陰人監生

劉行周

四十四年任浙江山陰人儒士

繆然

四十六年任直隸通州人吏員

吳文榕

四十九年任江蘇吳縣人

蔣定恂

五十四年任湖南湘陰人監生

王清泰

五十六年任浙江上虞人

張希良

五十七年任江蘇上元人監生

馬鏡

嘉慶二十一年任順天大興人供事

馬沅

道光三年任號濟洲江蘇陽湖人監生現任

稅課局大使

明

華容祖

洪武間任改建稅課局見建置

韓迪

成化元年任直隸平縣人監生

顧敬

十七年任南直吳江人吏員

劉淮

宏治二年任廣東人吏員

高暉

十一年任北直易州人

蒯必鸞

宏治中任鸞一作鑾

龐紳

宏治中任

李選

宏治中任

羅珠

正德十三年任福建莆田人 是年奉例缺表

武職 奉邑把總設自康熙二十二年雍正七年添設外委一員然舊志不載冊籍無徵姑就其現在文移可據者附列於后

把總

元

趙把總 逸其名至正十三年秋賊萬餘自武寧靖安至行部元帥府遣趙把總領兵百餘迎擊敗之賊退把總以中流矢死民哀而立廟祀之

明 無攷惟崇禎十六年二月兵備道陳起龍鎮奉新守備雷大功將官汪文鎮王龍涂叔駿黃某邑營弁金甌鞏都司袁斌王某皆死難後都司何其賢接鎮奉新皆旋設旋廢未有專屬

國朝

胡來朝 字以海號麟庵本縣南鄉人康熙初以人材薦隸總督麾下時草寇竊發所在置將弁十三年來朝

以把總駐防奉新會盜首劉往七戴朝曉等攻城邑侯董
宏毅率家丁守西城來朝與縣丞盧煌等守南城時賊方
疲倦來朝令煌等居守而自率勇士出城迎戰親冒矢石
斬賊六百六十九人城賴以完次年十一月邑僑副將
陰健子聚眾屯礮下聲言破城宏毅欲先發制勝來朝曰
我等深入賊巢城中空虛倘有疎虞後將噬臍不如告急
上台請兵來援我出奇兵應之兩下夾攻此成擒矣宏毅
然其計即發書告急於制府隨命巡道分兵勦捕賊略平
十六年礮下餘黨復聚官兵進討平之城中之賊無恙來
朝之力也事平陞康山營守備以母老乞休歸不就時論
賢之

劉成龍 上饒人行伍乾隆二十二年任

李陞 贛縣人行伍乾隆二十六年四月任

劉萬和 武寧人行伍二十九年八月任

周克明 德化人行伍二十九年十一月任

高英 樂平人行伍三十五年七月任

朱定華 南昌縣人行伍四十六年八月任

熊元勝 靖安人行伍四十七年正月任

陳榮 未詳年分

黃迪 未詳年分

汪騰雲 新建人行伍五十三年任已酉早騰雲赤日中步
前越山嘉慶元年調赴湖北勦匪陣亡祀昭忠祠

歐陽瑞 彭澤人行伍嘉慶三年十一月任

江發魁 南昌人行伍二十三年十月任

袁凱 新建人行伍字功勳號松嵐道光二年六月任現

外委把總

魏燦

南昌縣人行伍乾隆二十二年八月任

徐樹棋

臨川人行伍三十年九月任

鍾彥富

零都人行伍三十七年二月任

張順

新昌人行伍四十五年三月任

殷上貴

廣東長樂縣人行伍四十六年四月任

樂定元

寧州人行伍五十年七月任

周玉林

南昌縣人行伍五十二年三月任

潘大勇

南昌縣人行伍五十七年四月任

戴振奎

南昌縣人行伍嘉慶二年五月任

傅全

南昌縣人行伍十年二月任

高勝

南昌縣人行伍十九年四月任

涂必興

新建人行伍二十一年十二月任現任

封爵附

漢

海昏侯劉賀

漢書王子侯表昌邑哀王子元康三年封食邑四千戶神爵三年薨坐故行淫辟不得置

後初元三年釐侯代宗以賀子紹封原侯保世嗣侯會邑

嗣免建武後封

海昏侯沈戎 宋書沈約自序先世祖戎字威卿以州從事

說降尉賊漢光武嘉其功封為海昏縣侯唐書宰相世系戎沈靖之子也後漢光祿勳以九江從事降尉賊尹良封海昏侯辭不就

晉

新吳縣侯塗欽

豫章書氏族大全曰晉塗欽以功封新吳侯未詳何功明王材黎川集有塗欽傳論

曰父子以忠厚傳家注云欽子順惜其集不至獨逸其傳按欽以平石勒有功封新吳侯諡忠武邑人涂文思文

政皆其後裔墓在豐城縣侯墓岡

劉宋

新吳縣侯劉韶

宋書江夏王傳義恭子叡弟韶封新吳縣侯為元凶所殺追贈中書侍郎諡曰烈

新吳縣子秦立

見順帝本紀昇明元年八月有罪下獄死

南齊

新吳縣男左興盛

見齊書王敬則傳後永泰元年封新吳縣男邑四百戶賞平敬則也

新吳縣侯蕭景先

本傳太祖從子建元元年封新吳縣伯邑五百戶世祖即位進爵為侯永明五年贈侍中諡忠侯子毅嗣為高宗所忌王晏敗併陷誅

梁

新吳縣侯志

武帝本紀今遣使持節兼太保侍中中書監兼尚書令汝南縣開國侯亮兼太尉散騎常

侍中書令新吳縣開國侯志

奉皇帝璽綬按亮姓王見列傳第十卷志姓未詳錄出以俟考

明

奉新王朱睦㮮

明史周悼王安橫庶六子正德六年封嘉靖十五年薨諡榮惠子恭僖王勤城襲薨

子莊靖王朝庭襲薨子在錄襲

奉新王朱常漣

明史益宣王庶十九子萬曆三十四年封丙戌歲閩陷絕粒七日而薨

Vertical columns of text within a rectangular border, likely bleed-through from the reverse side of the page. The text is mostly illegible due to fading and ink bleed-through.

